

६२

पुर्खा दय्क तकगु सम्पत्ति, भीगु कला व संस्कृति
पिकाक-भक्तपुर नगरपालिका


दर्ता नं.:४८/२०७६/७७



पुर्खा दय्क तकगु सम्पत्ति, भीगु कला व संस्कृति

ब्यथा

नेपाल संवत् १९४१ बछलागा / २०७८ जेठ १५ / 2021 May / ल्या: ३६, दाँ:३



स्वप नगरपालिकाय

जनप्रतिनिधिपिसं बहाली यागु प्यदा फुत

स्वप नगरपालिकाया अनुरोध काथं अक्सिजन प्लान्ट तयत्ता न्हापांगु दिनसं
ग्वाहाली यागु संस्था सिद्धि गणेश बचत तथा त्रण सहकारी संस्था (२०७८ जेठ ९ गते)



स्वप नगरपालिकाया अनुरोध काथं अक्सिजन प्लान्ट तयत्ता न्हापांगु दिनसं
ग्वाहाली यागु संस्था भक्तपुर बचत तथा त्रण सहकारी संस्था (२०७८ जेठ ९ गते)





खुइनेगूगु स्वप पौ, बःछि पौ(पाक्षिक)

; DkfbSlo

@)*h7!%,c^s^@,jif#

सकल चकांगु नुगःलं ग्वाहालीयापिन्ता सलाम

सकलसिनं स्यूगु खाँ खः, ख्वप नगरपालिकां थःपुं नगरबासीपिन्ता च्वजःगु (उत्कृष्ट) स्वास्थ्य उपचार सेवा बियो वयो च्वंगु दः । कोभिड १० या ल्वय ग्यापुक संक्रमितपुं खानय् दयो वसेलिं समुदाय स्तरय् उगु ल्वय डाडः पुडः मवांकयता ख्वप नगर पालिकां न्हिया न्हिथं माइकिड याड जनतात सचेत याय्गु, त्वाल्य-त्वाल्य साभूं खं लाहा सिलयता मःगु ब्यवस्था, स्वाखः व क्लोरिन (की सीइगु वास) होलय्गु ज्या याडः जनताता सचेत याय्गु ज्या हज्याक च्वंगु दः । नपां क्वारेन्टाइन व आइसोलेसनया ब्यवस्था याडः संक्रमण मजुइक, मपुकः पाड तय्गु कुतः याड च्वंगु दः ।

नगर दुनयं ग्यापुक संक्रमण डाडः पुडः वांसेलिं ख्वप नगरपालिकां ७५ शय्याया आइसोलेसन व २५ गू शय्याया एचडियू सेवा बियो वयो च्वंगु दः । अः तक खय् एचडियू सेवा कःपुं ३० म्हा अलय् आइसोलेसनय् १२५ म्हा याड मुक्कं १५५ म्हा सिनं सेवा काय् धुंकगु दः । आना च्वंपुं सकलसिता फुक्क खर्च निःशुल्क याड च्वंगु खः ।

उगु केन्द्रय् बांलाकः भिंकः उपचारयाकेता नेम्हा डाक्टर, खुम्हा नर्सपुं छम्हा फिजिसियन व छम्हा एनेस्थेसियाया विशेषज्ञपिसं सेवा ब्यू ब्यू वयो च्वंगु दः । अक्सिजन बियमःपुं ल्वगित अपलं खानय् दयो वसेलिं नेपाल सरकारकय् धुरं धु (पटक-पटक) अक्सिजनया लागिं नगरपालिकां ताकेता याता । २०७८ बैशाख २७ गते न्हिं ३० गः सिलिण्डर व २८ गते निसें न्हिं ८० गः सिलिण्डर अक्सिजन ख्वप अस्पतालता बियगु सिएमसीं खाँ क्वः छिता । अथेनं गुगुं हे दिनय बांलाक अक्सिजन छ्वयो महः । ख्वप नगरपालिकां थी थी कम्पनी पाखं अक्सिजन हयो ल्वगिपिन्ता बियो च्वना । अक्सिजन बिय मफयो संक्रमित पिनिगु ज्यान वानिगु सम्भावना खानय् दः सेलिं ख्वप नगरपालिकां थमनं हे अक्सिजन प्लान्ट तय्गु खाँ क्वः छिता ।

नेपः या सरकारं प्लान्ट, भेन्टिलेटर, आइसीयूया लागिं ग्वाहाली मयासेलिं ख्वप नगरपालिकां जनताकय् ग्वाहाली फ्वना । ख्वप दुनय् चाय्कः तःगु सहकारी संस्था, शिक्षण संस्था व बनय् ज्याड च्वंपुं ब्यवसायीपुं नपां अलग-अलग बैठक च्वड ग्वाहालीया निंतिं इनाप यासेलिं जनसमुदाय पाखं तस्कं च्वछाय् बह जुइकः ग्वाहाली बियो च्वंगु दः । ख्वप नगरपालिकां ख्वप अस्पतालय् अक्सिजन प्लान्ट, भेन्टिलेटर व आइसीयू नपांया बांलागु भिंगु सेवा मथां हे बिइगुलि जनतात तस्कं आशावादी जुयो च्वंगु दः ।

ख्वपया जनताता कोभिड भ्वल्वचं मथिइकः मपुकः तय्ता नगरपालिकाया जनप्रतिनिधिपुं, चिकित्सक, नर्स व कर्मचारीपुं चां न्हिं खटय् जुयो च्वंगु दः । थमनं फक्व महामारीया थजगु ग्यापुगु व संकटया इलय् नगरबासीपिनिगु सेवा याडः वयो च्वंगु दः । सायद, उकिं हे नगर प्रमुख जुं संघ व प्रदेशं ग्वाहाली मयात अः जनतां हे ग्वाहाली बिय माल दकः आग्रह यासेलिं नेन्ह स्वन्ह्या दुनय् डय्गु लाखतका स्वयो अपः जनतां ग्वाहालीया धेबा मुनय् हल । हकनं ग्वाहाली याय् धः पिनिगु धलः यक्व हे ताहानि ।

जनताया विश्वास दः तलय् न्ह्यागुनं ज्या याय्ता केन्द्र व संघ सरकारं ग्वाहाली मयासां ज्या याडः केनय् फः धाय्गु छगू स्यल्लागु दसु ख्वप नगरपालिका खः । संकटया इलय् ग्वाहाली यापुं सकल चकांगु नुगः या महानुभाव पिन्ता सलाम ।

पिकाक-ख्वप नगरपालिका/सम्पादक-आशाकुमार चिकंबञ्जार, डेस्कटप-धन लक्ष्मी त्यात, आवरण सज्जा-रेणु ध्वजू, थाकू- भक्तपुर अफसेट प्रिन्टर्स फोन ल्याः ०१-६६१३०४३, ई-मेल- khwopapau@gmail.com



मतिना व राजनीतिया स्वापु

जि योपुं केहें, किजापुं,
न्हिया न्हिथंया लुमन्ति

इलं घ्वाड च्वंगु विषयया जानकारी वियगु इवल्यु श्वनं न्हपा च्वयागु पौख्य देया शासक राजनैतिक दलया दुर्दशा व कोभिड १९ भ्वल्वचं नेपःमि पिसं सियो च्वंगु दुःखया बारे छसिकाथं ब्वयो च्वयागु खाँ छमिसं यो ताय्कल । अः छमिसं न्यंगु न्हयसया लिसः काथं थःगु इहिपा मथां हे याय् दय्मः धाय्गु छमिगु जिदी व देया स्थितिबारे च्वय ताडा । १७ वैशाख २०७८ या नेपाल समाचार पत्र न्हि पौ ख्य च्वता - 'कोरोना भ्वल्वयया धुकु हे ब्योह भ्वय ।' 'निषेधाज्ञा हाचां गायो जूपुं भन भन अप्वयो वल, 'नेद्वस्वयो अप्वः लायँ जू पुं व सवारी साधन कारबाहीख्य लात ।'

केहें किजा पिसं भारतया बुखाँ नं न्यन हे जुई । लकडाउनया इलय् सलंसः माइल डायो थःगु गामय छँ वापुं अपलं मनूत लायँ सं सीत । साइकल गयो वपुं साइकलय्सं सीत । बम्बइ लकडाउन मत दक धायो लिकः खुनुं हे उपचारया नितीं च्वंपिनिगु लाइन स्वयो ऐला पसलय् च्वंपिनिगु लाइन यक्व ताः हा । भारतया टेलिभिजन च्यानलं हे क्यंगु खः ।

मनू तय्सं छा्य अमल त्वड ऐलागुलु, छुं मतलब मयाइपुं अबुभ्रथें जुयो नियम हाचां गायो जुला धाय्गु खाँ खं केहें किजापिनिगु मनय् धौ बजी वः जुई । थुकिया लिसः तस्कं अः पुक थुइकय् फः- भारतया पुँजीवादी राजनैतिक शासक दलतय्सं थःपुं जनतातय्ता नागरिक भावना ब्वलानिगु काथं खाँ थुइकय् बियो नपां राजनैतिक ज्ञान (दीक्षित) थुइकः ब्वलांकेगु स्वयो चुनावं न्हयाथय्याड जूसां त्याकः सरकारय् वानय्ता हिन्दू व मुसलमानया भेद याड साम्प्रदायिक भावनां ल्वाक तै, वहे खाँया लिधांसाय् थःगु सड्गठन निस्वाड तै, अलय् दलित, आदिवासी व भाषा-भाषीया दश्वी ल्वापु याक तै । धेबा, सामान व नसा त्वँसा इड मज्युसा धम्की बियो कसायाड भोत काइ । मखुसां मखुसां भुठ्टा मुदा लगेयाड जेलय् कुनी । मेपुं ल्यं दः पिन्ता भोत मब्युसा छमिगु नं वहे गति जुइ दक ख्याड चुनाव त्याकी । व पुँजीवादी शासक दलतय्सं जनताता न डाक्टरत हयो स्वास्थयया ज्ञान बिड न ऐन-कानुन व प्रजातन्त्र-संसद, विधान सभा व सरकार अलय् अदालतया ज्या (काम कार्वाही) व (कार्यविभाजन) ज्या छु छु धाय्गु खाँ हे कानी । नेपः या पुँजीवादी दल तय्सं नं वहे पहः सयकः च्वंगु दः ।

कोरोनाया थजगु भिंजामिंजा दांक गयापुगु इलय् नपां



हरिबहादुर श्रेष्ठ (का.रोहित)

भ्नीपुं ज्योतिष तय्सं पुलांगु पहलं हे ग्रह-नक्षत्रया ल्याखं बैशाखया थुगु थुगु दिनय् जक ब्योहया लगन व साइत दता जक इहिपाया दिन क्वछिडः इहिपा याकः च्वना । भ्नीगु देश गणतन्त्र घोषणा यासां जनताया सामाजिक व्यवहारं पुलांगु पहः त्वतय् मफगु इलय् अजगु खाँ त्वतक न्हूगु बिचः ह्यगु खाँ ख्य शासक दलया नेता तय्के भ्या भाति हे बिचः वगु मरु ।

इहिपाया दता मयासँ मज्युदक अनिवार्य याय्गु नपां इहिपाया मेमेगु सामाजिक व्यवहार, ग्वयँ बिय्गु, ख्वः स्वः वानेगु निसँ भ्वँ नकेगु फूक्कं ज्या नगरपालिका व गाउँ पालिकाया वडापाखं याकय्गु बन्दोबस्त याय् मःगु खः । थजगु खाँख्य फ्रान्सेली क्रान्तिकारीत यक्व हे हःनय् लागु खानय् दः । सन १८७०-७१ या पेसिस कम्युनया उथल पुथलया इलय् इहिपाया ज्या चर्च अलय द्यो थाय् ब्रम्हु व पुरोहितं मखु (निर्वाचित) त्याक वपुं वडा समिति पाखं याकगु खः । थजगु कोरोनां हाहाकार याड च्वंगु इलय् नं इहिपाया साइत लगन पिकाइपुं (ज्योतिष) जुसी बःजु, पण्डित, पुरोहिततय्सं मयाकसीं फूक्क पालिकात पाखं याकय्गु पाय्छी जुई ।

समाजवादी देश प्रजगु कोरियाय् कारखानाया मजदुर तय्गु बस्ती याय्गु ब्यवस्थापन समितिं हे इहिपाया दिन व ई क्वः



खुइनेगूगु स्वप पौ, बःछि पौ(पाक्षिक)

छिड छन्हूँ तँ अपलं जोडीया इहिपाया नितिं छगू ज्याइवः (समारोह) या ग्वसः ग्वइ अल्य भ्वय नकेगु तकनं वहे समितिं ब्यवस्था याई । इहिपा याइगु परिवार तयसं विस्कं बिस्कं भ्वय नकेगु ग्वसः ग्वयम्बः । फुक्क सिनं न्हूपुं इहिपाया जोडी पिन्ता सुभाय् देछाइ, लसः हानि । प्याखं ल्हई, म्हासिइका पिब्वयगु ज्या जुई नपां फुक्क मुड मंकः लं डाय्केगु लसताया भ्वयखं मजदुर बस्ती भः भः धायो च्वनि ।

अल्य, नेपः या शासक नेतात अखः ज्या साड च्वंगु दः । २० बैशाख २०७८ या नागरिक च्वता-‘इहिपा भ्वयख्य अपलं भ्वयवापिन्ता कोरोना ल्वचं थिला, १९ बैशाखया बुखँकाथं यँ बौद्धया पाँचतारे होटल हायातय् भारतं वपुं दर्जनौ मनूतयगु इहिपाया भ्वँख्य दःगु खः । भ्वँ ज्वरय् यापुं, थाय् छाय् प्यूपुं, अल्य भम्चाकः वानिगु गाडी छाय् पियता स्वं नपां भारतं हयो अपुं नं भारतं हे हला । अमिपाखं हे नेपःया कर्मचारी पिन्ता कोरोना ल्वय पुंगु धायगु खाँ न्यनय् दः । पीम्हा स्वयो अपः कर्मचारीपिन्ता जाँचय् याबलय् १८ म्हा सिता कोरोना ल्वय पुंगु क्यंगु खः । मेपिनिगु (बुखँ) रिपोर्ट वय बाकी दःगु खाँ पिज्वःगु दः ।

चाणक्यया कुटिल राजनीतिख्य ध्यान बियगु खःसा नेपःया पर्यटन उद्योग व होटल ब्यवसाय ध्वस्त याय्ता भारतता थाकुमजु धायगु सियदः । इहिपा व कय्तापुजा या भ्वयख्य अपलं मनूत मुड डाय्कलकिं वइगु खतराता बिचः याड निषेधाज्ञाख्य हिंडाम्हा स्वयो अपः मुनय मरु जक क्वः छिता । हायात होटलं स्वास्थ्य मापदण्डया भौतिक दुरी व श्वः म्हा जकः वयदः दक कडाइ मयासेलिं कोभिड सङ्क्रमित नेपः या कर्मचारी तयसं थःथः पुं पारिवारीक नातागोता व त्वः बः जलाखालापिन्ता गुलिसिता ल्वय पुकला ज्वी । अः वफुकं छानविन याय्ता नपां अःपु मजुय धुंकल ।

पुँजीवादी व्यवस्थाय् लबः ख्य जक ध्यान बिइगु जुगुलिं निजी होटल, कम्पनी व मेमेपुं व्यवसायी तयसं जनताता भिं जुइगु व जनताया स्वास्थ्यता स्वइमखु । प्रजग कोरियाय् फुक्क होटल, पसः व ब्यापार निजी मरु । ब्यक्ति छम्हासिया भिं याय्ता सारा जनताता मभिनिगु ज्या याई मखु । सं.रा अमेरिका, भारत व मेमेगु पुँजीवादी देशया निजी अस्पताल तयसं साधारण जनताया उपचार याइ मखु । अजपुं मनूतयसं धाक्व धेबा पुलय मफैगुलिं अस्पताल स्वस्वं भताभत सीड च्वंगु दः । पुँजीवादी ब्यवस्थाय् स्वयो समाजवादी ब्यवस्थाय् अपलं जनताया सेवा याइ धायगु छगू दसु श्व नं खः । थजगु दसु यक्व यक्व दः ।

मथां इहिपा याय्गु मति दःपुं के हँ किजापिन्ता मधःसिं मगागु छगू बिषय दः- ल्यासे ल्याम्होपुं इहिपा धायगु नेम्हातेपुया लागिं जक मखु समाजय् हे छगू महत्वपूर्ण पक्ष खः । न्ह्यागु थजु मथां हे, अः हे, थौं हे वा कन्हे हे इहिपा याय्गु जक जिदी याय्गु

स्वयो जीवन सुखपूर्वक न्ह्याकय्गु खःसा अल्य दे व जनताया अपलं अपः भिं ज्याख्य योगदान याय् मः । स्वास्थ्य व ई याता च्यूता मतः सिं ल्वय व कोरोना छुं हे मखु दक च्यूता मतःसँ जुय्गु पाय्छी मखु । छुं नं प्याखं (छधाःपूधा) ख्य बाखनय् महाकाब्यख्य मिसाचा-मिजंचा नेम्हां विष त्वडसीड च्वंगु वा यगायो, खुसी क्वबवाड अनेक तरिकां आत्महत्या यागु दुःखान्त बाखंत न्यडः स्वयो उकिया लिचवः लाक काचाक्क खाँ क्वछियगु बुद्धिमानी जुइमखु ।

ल्यासे-ल्याम्होपिसं थः थः पुं केहँ किजा अल्य पासाभाइ पिन्ता थमनं ब्वडागु मतिनाया बाखं व अजगु संकिपाया खाँ काड मन स्यंकः बिइगु । रोमियो व जुलियत, लैला-मजनु, उमर-खँयाम, अनार-कली, मुगलय- आजम, ताजमहल नपां स्वापु दःगु शाह जहाँ व मुमताज, नकुल व सबिता, तुइसी व राजमती, मुना-मदन थी थी संकिपा, प्याखं व बाखं नं पक्कानं ल्यासेचा-ल्याम्होचापिनिगु मनय् शान्तगु पुखुली ल्वहँचां कय्की बलय् थें गितारया तारय् लाहातं थिइबलय् नं तरङ्गित भडकृत याड बी । साफू ब्वड संकिपा स्वयो गुलि मनूतयसं ख्वबी हाय्की भसुकः तई । अल्य क्व पुलांगु मान्यता व मूल्यख्य जीवन हाड च्वंगु परिवारयाय् व अभिभावकं पुं पुं न्हूगु पुस्ताया भावना थुइकः जुइमखु । बरु भक्तिरसय् लुकुं बिड सीतां स्यूगु दुःख, दौपदीता यागु अपमाने जुजु हरिशचन्द्र व वयकया महारानीं स्यूगु दुःख अल्य दुश्यन्त व शकुन्तलाया मतिनाया खाँ न्यड भस्क तइ, हायँ पुकी ।

वयां फुक्क साहित्य जुल- महाकाब्य प्याखं व बाखंत । धात्थे खःगु जुसां बोटा कियो, खाँया बान्की तयो मः काथंया थी थी रसख्य थुड तःगु गुलाब जामुन व रसभरी थजगु जक खः । अजगु साहित्यं जुजु व राजतन्त्रया सेवा याई । पत्या मजुगु खाँयाता खः थें च्वंक काड अन्धविश्वासता अपलं कय्चाकः यंकी ।

तस्कं योपुं केहे किजापुं,

छमिसं न्हयसः थानय् फः- अथेजूसो छु राजनीतिख्य मतिना व इहिपाता गनां हे थाय् बिइ मखुला ?

दः, धात्थे राजनीतिख्य नं मतिना व इहिपाया तहांगु थाय् दः महत्व बिइ अल्य तेपु जीवनया मंकः कुतलं देश व जनताया अपलं सेवा व समर्पणता थाय् बियो हज्याई । जेनी व मार्क्सया मतिना, लेनिन व क्रुप्सकायाया मतिना, सनयात सेन व सुड चिडया मतिना अल्य इहिपा छु च्वछाय् बहः मजुला ? डालकाय् बहः मजुला ? ल्यासे ल्याम्होपिन्ता मतिनाया नाटकीयताया भावनां ग्वाकः हे । जब व ल्यासेचा ल्याम्होचा पिनिगु धात्थेगु मतिनाया देश प्रेम व क्रान्तिया तुइजलां छुंथाय् सुचुक बिई । अले धात्थेगु खाँ खं जीवनता तुइजला थाड बिई ।

छमिसं नं पत्रकारपिसं न्यं थें न्हयसः न्यनय् फः- छु ☞

चिनियाँ कम्युनिस्ट पार्टी नपांया जुम बैठक

चिनियाँ कम्युनिस्ट पार्टी व नेपः या राजनीतिक दलतय् दश्वी बुधवार अनलाइन बैठक जुल । महामारी नपां ल्वाड चिडकः छ्वयो जनताया जीवन रक्षायाड हज्याय्गु विषय बैठक जूगु खः । चिकपाया विदेश विभागया मन्त्री सडताओ, उप-मन्त्री चैन चाओ नं ब्वति कायो द्यूगु उगु बैठकय् नेपःया शीर्ष



नेतात मध्ये नेपाल मजदुर किसानपार्टीया नायो नारायणमान बिजुक्छे(का.रोहित), उप प्रधान मन्त्री इश्वर पोखरेल एमाओवादी नायो पुष्प कमल दाहाल लगायतया नेतापिसं ब्वति कायो द्यूगु खः ।

बैठकसं चिकपाया मन्त्री ताओ जुं विपदया इलय् नेपः ता ग्वाहालीयायता न्ह्याब्लें तयार जुयो वयो च्वडागु खाँ काड दिल । चिकपाया महासचिव सि चिड फिड जुं जनताया जीवनता हनय् तयमःगु नपां महामारी अर्थतन्त्रता नं पा खुबुं यंकय् मःगु बिचः प्वकः द्यूगु खाँ कुल दिसे वयकलं नेपः व चीनया क्वातुगु स्वापु महामारीया इलय् नं ल्यक तयमः धायो दिल ।

वयकलं नेपःव चीनया दश्वी आपसी विश्वासता क्वातुक्क यंकय् मः धायोदिसे उच्चस्तरीय आदान प्रदानता मदिक्क न्ह्याकय् मः धायोदिल । मन्त्री ताओ जुं धायोदिल - कोभिड १९ भ्वल्वय नपां त्याकय् फःधाय्गु विश्वासं मंकः भविष्यया नितिं मंकः ज्या याय्मः ।

नेपालय् खोप, भेन्टिलेटर, अक्सिजन, सिलिण्डर नपां विपद नपां ल्वायता मदय्क मगागु ज्याभः (उपकरण) त व वास ग्वाहाली बिय दयो जिपुं तस्कं लयताया धायो दिसे मन्त्री ताओ

दाइ नं सुं मिसात नपां मतिना व इहिपाया खाँ (प्रस्ताव) मतयाला दकः न्यनय्फः ।

धात्थेगु खाँयां अजगु दिन नं मवगु मखु । उबलें जिं न्यताया छता ल्यय मःगु जुल-जिं सरकार नपां सम्भौता याड इहिपा याय्गु लाकि आन्दोलन न्ह्याकं तुं जेल व गुप्तवास च्वड च्वंपुं पासापिन्ता ग्वाहाली याय्गु नपां आन्दोलित जनता नपां थः ता नं पाँ च्युं च्युं यंकेंगु । जिं क्वय्या लाँपु ल्यया । थःगु जिल्लां ताः ता पाक वाड थःगु दुःख लुमांक जनताया दुःखय् साथ बिया । थःगु राजनैतिक जहाजता अनेक धाकु फसं बचे यायां आजुइ थयंकय्गु लाँपु त्वःमतसिं वाडा । थाकु अःपुया भ्या भाति हे च्युतामतसिं ।

अलय् छमिगु मनय् ल्यं बुगु खाँ हकनं न्यनय्गु मति तल हे जुईः- अय्सा वयक मतिनामि नपां वनं लिपा गुब्लें हे नपा मलाला दक ?

नपालात- थयं मथयं हिंडादा लिपा छगू स्मारक क्षेत्रय् अथेहे हिंदा-हिंन्यदाया थःम्हा काय्मचाता लाहा ज्वड वयो च्वंगु । नेम्हां छक मुसुक्क न्हयला- अलय् वयकं थः काय्याता धाला 'बाबु- पाजुयाता ज्व ज्वलपा यो । लज्या चाचां क्वछुड मचां ज्व ज्वलपा धाल जिं नं ज्वज्वलपा बाबु धायो कपालय् उसिसि

यायां सौहार्द्रता क्यडा । तरुन्त बायो वाडा ।

थौं जिं थव खाँ छमिता छाय् काड च्वडा धःसा थव खाँ स्पूपुं वयकया मां ब्वा पिसं थव संसार त्व तःगु नं तः दा हे दय् धुकल । हकनं थुगु खाँ स्पूम्हा दथुइया खाँपु विश्वासिलो ततानं अः थव संसारय् मत । थव पौ छापय् जूसां अभिसं वयकलं थव पौ ब्वनिमखु छाय् धःसा इहिपा लिपा वयकता साफू ब्वनय्गु फुसद गुब्लें हे मरु धाय्गु खाँ जिं सिया । वयकया तता केहें व दाजु किजापिसं थव खाँ मस्यु ।

उकिता ई बिडः वांसेलि मतिना मधःसिं ई लं व उमेरय् जुयो वइगु व्यवहार जक धाय् मालि । मेगु भाषं धाय्गु खः सा मनं मनं याडागु मतिना धाय्माली ।

थुकिता ब्यक्तिगत स्वयो अपलं जनताया भिं जुइगु नपां जिं थः ता लः ल्हाय्दैगु छगू मौका काथं काया । अथेनं जिं मतिनायाता महत्वहीन जक नंधाय्मखु । नपां राजनीतिखय् मतिनाया तः तः हांगु बलिदानपूर्ण बाखंत नं म्हवें जक महत्वया खाँ मखु । थुकिया बारे केहें किजा पिन्ता जिं लिपाया पौ खय् च्वय । थौयाता बाय् ।

छमिगु भिं म्ह्यो च्वडाम्हा दाजु
हरिबहादुर श्रेष्ठ



खुइनेगूगु स्वप पौ, बःछि पौ(पाक्षिक)

जनताया ताजा जनादेश हे प्रजातान्त्रिक लाँपु

- प्रतिनिधिसभाया दुजः प्रेम सुवाल

भक्तपुर अस्पतालय् कोभिड १९ या पीसीआर परीक्षण दिक सेलीं संक्रमण भन भन अप्वयो वल । देशां देछिया संक्रमितपिनिगु भिं उसाय्या कामना यासे थुगु ल्वचं मदयो वांपिनि परिवार जनपिसं धैर्य याय् फय्मः दक बिचः नं हायकः चवडा ।

शय्याय् चवडां चवनय् थाय् मरु । अस्पतालया फः चाय् सं उथि उथि काड चवन, स्वीम्हा सांसदपिन्ता कोभिड १९ ल्वचं कःगु पुष्टि सेना या (शव) सीम्हा मनुया व्यवस्थापन यायां लिङ्गमला, तस्कं जोखिम लाड चवन ल्वगित-सरकार चटक क्यडः चवन, अस्पतालय् बेड मरु उपचारया पः प्यु प्यु हे ल्वगित सीत, अस्पतालय् चा चा हिल थाय् मः जू जू हे ल्वगित सीत, भेन्टिलेटर मदयो ल्वगि त सीत, हेलिकप्टरया भाडां ल्हाडः ल्वगितय् दुगा



☉ जुं महामारी विरुद्धय लडाईं खय् चीनं थें नेपालं नं मथां हे सफल ज्वीगुलि विश्वास प्वंकः दिल ।

चिनियाँ कम्युनिस्ट पार्टी सच्चिदा क्यंबलय् जनताता सुखी, देयाता समृद्ध दय्केगुलि सफल जूगु नपां गरिबी मदय्केता पूर्ण सफल जुय फःगु खाँ ब्याकसे चिनियाँ समाज आधुनिकताया लाँपुई हज्याड चवंगु खाँ ब्याक दिल ।

उगु चिनियाँ कम्युनिस्ट पार्टी अन्तर्राष्ट्रिय विभागया ग्वसालय् महामारीया विरुद्ध व जनताया जीवन रक्षाया नितिं मंकः कुतः' बिषयसं नेपःया राजनीतिक दल तय् दश्वी जूगु अनलाइन बैठकय् नेपाल मजदुर किसान पार्टीया नायो नारायणमान बिजुक्छें जुं मन्तव्य तयो द्यगु खः ।

वयकलं मन्तयगु जीवन यें छगू अथाहर दुःख काथं तः हांगु चुनौती जुयो दाँ वगु महामारीया दश्वी नेपः व चीनमिलय् जुयो सहकार्य प्रवर्द्धनया विषयलय् भी चिनियाँ पासापुं व मेमेपुं नपां छलफलय् ब्वति काय् दयो तस्कं लयताया । नेपः व चीन भिंपुं जलाखाला व पासा जुयो चवनय् दःगु गौरबया खाँ खः । कोभिड १९ या नेकगू लहरया तस्कं ग्यापुइ इलय् नेपः व चीन, चिनियाँ जनताया दश्वी भीगु स्वापु अझनं क्वातुयो वानिगु विश्वास याय् ।

थौं नेपः नपां हलिमयया अपलं देशं कोभिडं ल्वचं अथाहर दुःख कष्ट नयो चवंगु दः । महामारी भीगु स्वास्थ्य प्रणालीया कमजोरीत उलः ब्यगु दः । थुगु काथंमछिगु इलय् जिमिता ग्वाहाली बियता चीन जिपुं नपां दाँ वल । चिनियाँ कम्युनिस्ट पार्टी व चीन सरकार, ग्वाहाली काथं ब्यगु चिकित्सकीय सामानत

नपां मेमेगु ग्वाहालीया नितिं दुनुगलं निसें आभार प्वंकः चवडा । थुकीं नेपः मि पिनिगु स्या नुगलय् वास फ्वकय्गु थें जुइगु जिमिसं मति तथा । थुगु ग्वाहालीखं चीन जिमिम्हा धात्थें म्हा दुःख कष्ट बलय्या पासा खः धाय्गु बांलाक हे सियदत ।

महामारी विरुद्ध थःगु तः तः हांगु लडाईंखं कायो तः गु अमूल्य अनुभव हलिमयया सकलसिता इड ब्यगुलिं जिमिसं चिनियाँ कम्युनिस्टपार्टी, चीन सरकार व चिनियाँ जनताता आभार प्वंकः चवडा ।

जनताता छप्पा छधि याय्गु व भाइरसया प्रतिरोधय् जनताता छयलय्गु तस्कं प्रभावशाली कुतलं समाजवाद व समाजवादी न्हयलुवा पिनिगु धात्थेंगु क्षमता पिब्वयो क्यन । महामारी विरुद्धया ल्वापु खय् चीनया विजय नीछगु सदिंया न्हापांगु छगू ब्वसेलागु सफलता खः । थुगु सफलता हलिमयया सकलसिया लागिं आशाया तुइजला जुयो चवंगु दः ।

दकलय् लीपा नेपाल मजदुर किसान पार्टी पाखं चिनियाँ कम्युनिस्ट पार्टीया महासचिव व जनवादी गणतन्त्र चीनया राष्ट्रपति महामहिम सी चिन फिडता चिनियाँ कम्युनिस्ट पार्टीया सच्चिदा क्यंगुया लसताय जिं अलय् जिमिसं लुमुगु अभिवादन नपां भिन्तुना देछायो चवडा । चिनियाँ कम्युनिस्ट पार्टी आर्थिक समानताया लिधांसाय् समाजवादी समाज निस्वानय्ता व क्वः छयगु इलय् हे नेगू शताब्दी लक्ष्य पूवांकय् फइ धाय्गु क्वातुगु विश्वास काया । चिनियाँ कम्युनिस्ट आन्दोलनं विश्वया समाजवादी आन्दोलन व साम्राज्यावादी विरोधी संघर्षखय् च्वछाय् बहगु भूमिका मदिक्वक हछ्याड यंकी धाय्गु जिमिगु विश्वास दः । सुभाय् ।



खुङ्गेगु स्वप पौ, बःछि पौ(पाक्षिक)

त्वः धु, ज्या साड नैपुं ज्यामित नय पित्याक चवनय माल, न्यनय हे थाकुगु बुखौं त थी थी सञ्चार माध्यमं पिब्वयो च्वंगु दः । भनी धः सा थाना प्रधानमन्त्री प्रतिनिधिसभाया विश्वासया मत काङ्गु प्रस्तावय् छलफल याडः चवडा ।

ड्युन्हू न्ह्यौं भारतय् न्हिं पीट्ट मनूत ल्वचं कःपुं दःगुलि सीपुं १८६ म्हा खःसा भनीगु देशय् न्हिच्छीया दुनय् ल्वचं कःपुं सच्छी व नीडाम्हा सीपुं छम्हा जक दता । थुगु बैशाखया २६ गते भारतय् न्हिच्छीया ल्वय पुं पुं प्यंगु लाख व सीपुं प्यट्ट स्वयो अपःदतसा नेपालय् ल्वचं कःपुं ८२३७ म्हा दःसा सीपुं ५३ म्हा थयन ।

ड्युन्हू हौं भारतया नेगु प्यंगु सहरत गुजारात, मध्यप्रदेश महाराष्ट्र नपांया सहरय् कोरोनाया नेगुगु लहर फय् थें डाड वांसेलिं उगु थासय् लकडाउन यासेलिं आनानं नेपःमिपुं नेपालय् ल्याहौं वयो च्वंसेलिं भारतनपांया खुल्ला सीमाय् क्वारेन्टाइन व परीक्षणया बांलाक ब्यवस्था याय् माल दकः नेपाल मजदुर किसान पार्टी सरकारया ध्यानाकर्षण याकगु खः । अलय् उगु खाँयाता च्यूता मतः सिं वेवास्ता याड च्वना । छुं हे ब्यवस्था मया ।

उब्ले अः तक मन्त्री जू पुं शासक पार्टीया नेतात वं वयाता वं वयाता द्रपं ब्यू ब्यू ली मला । छम्हा माननीय जुं मेम्हा माननीयजू याता धायो दिल - नीडादा हौं निसें विदेशी तयसं लहिड तःम्हा पात्र खः दक । मेम्हा माननीय जुं न्हापांम्हा माननीय जू ता लिसः बिलः वयागु तेपुचा (नाभी) विदेशी नपां स्वाड च्वंगु दः । हिदातकया सशस्त्र द्वन्द्या इलय् जेलवाला चिकं तयो साँकुली तयो काकिचां साँ छयड दिल्ली चवडः च्वंम्हा खः । स्वम्हा माननीय जुं न्ह्यसः तयो, दिल - जिमिता जेलय् कुनय्ता ग्वसः ग्वःपुं सु ? ज्ञानेन्द्रया सातःकाया ।' अनेक अनेक ।

थौ कन्हे खाँ बय बय जुल- दिल्ली चवड नेपः व भूटानया बिषय स्वइम्हा 'रअ' या न्वक् थजम्हा धीरज मुखिया नेन्हू प्यन्हू हौं निसें यें चवड च्वंगु दः । अथेहे स्वीम्हा प्रतिनिधिसभाया दुजः पिसं राजिनामा बिडगु धःगु अः मबिडगु बु खाँ प्याहाँ वल । थुकिया दुनयें नेपाली कांग्रेसं नेक तक वैकल्पिक सरकारया नेतृत्व याय्गु खाँ क्वः छित ।

खुल्ला सीमा मत्यतलय् नेपःया नागरिक समस्या ज्यंकय् मफैगु खाँ सः स्यू थू पुं विज्ञापिसं धायो वयो च्वंगु दः ।

सरकारं नेपः मि पन्ति शिक्षा, स्वास्थ्य निःशुल्क याय्गु, भनीगु हे देशय् ज्या बिय्गु, समाजवाद उन्मुख अर्थतन्त्रया निंतिं उत्पादनया मू मू साधनत व सेवा सामाजिकीकरण याय्गु छुं नं नीति व (कार्यक्रम) ज्याइवः दय्कगु मरुनि । कोरोना भवलय् मपुंकः मडांक तय्ता खुल्ला सीमा नाकाय्

क्वारेन्टाइन व परीक्षणया बांलागु ब्यवस्था अः तक याय मफूनि । जिल्ला-जिल्लाया अस्पतालय् बांलागु ब्यवस्था मरुगुलिं नपां देशां देछिया बांलापुं व योग्यपुं ब्वनामिपिन्ता क्युवाय् थें मेगु विषयलय् थें डाक्टर ब्वनय्ता अः पुगु ब्यवस्था मरुगुलिं नेपः मिपिसं थौं या थजगु तस्कं ग्यापुगु अवस्था फय् मःगु खः । वैकल्पिक सरकारया प्रस्ताव तःम्हा ने.कां. व माओवादी नं थजगु छुं नं ज्याया धलः पिब्वगु मरु ।

नेपः या भूमि लिंपियाधुरा कय्च्याड नक्सा दय्कल अथेनं प्रमुख प्रतिपक्षी पार्टी कालापानी तयो तःपुं विदेशी सेना लिता छ्वय्गु व लिम्पियाधुराय् तक राजनैतिक व प्रशासनिक उपस्थिति याय्गु प्रतिवद्धता मक्यं । नेपः या भूमि नाखं बुरय् जुडगु याड भारत सरकारं दय्कगु बाँध व तटबन्ध थुय्गु प्रतिवद्धता नं मरु । भारतं नेपःया भूमि लाँ दय्कः उकिया उलेज्या नपां याय धुडा नं प्रमुख प्रतिपक्षी पार्टीपाखं सशक्त विरोध मयासेलीं नेपः मिपिसं अः थगु सार्वभौमिकता हे मदैगु खःला दक चिन्ता कायो च्वंगु दः ।

संवैधानिक परिषद धाय्गु सत्ता व प्रमुख प्रतिपक्ष व दुजः पिनिगु भाग बण्डा याड काय्गु थाय् मखु ।

सरकारया विकल्पया खाँ ल्हाडगु प्रतिपक्षीपार्टी तयसं हिन्द प्रशान्त क्षेत्रया अमेरिकी सैन्य गठबन्धन एम सी सी सम्भौता खारेज याय्गु प्रतिवद्धता मप्वंकः । फुक्क उमेर समूहया नेपःमि पिन्ता कोभिड १९ मपुंक पाडः तय्ता खोप बिडकेगु नं प्रतिवद्धता मया । निषेधाज्ञाया निहूँ तयो विदेशीया दबाबय् खोप बिय्गु ज्या दिक्ु याड दिन पुडकेगु ज्या याड च्वंगु दः । थजगु खोप भण्डारय् स्वथाड तय्ता मखु फछिं फक्व मथां जनताता बियमः । खोप व स्वास्थ्यता सामानत न्यायगुलि भ्रष्टाचारयापुं व कमिशन नः पिन्ता छानबिन याड दोषीतय्ता कार्वाही याय्गु प्रतिवद्धता नं मव । थज-थजगु अपलं विषय प्रमुख प्रतिपक्ष दलं सशक्त रुपं सः तः गु खानय् मरु ।

सरकारं क्वः छ्यूगु ज्यामि तय्गु म्हुवचाखय् नं थुलि बियमः दक धःगु (न्यूनतम पारिश्रमिक) ब्यवहारय् छ्यलय् फःगु मरु । कोभिड १९ मपुंकः पाड तय्ता चीन पाखं सय्केमःगु ज्या नं मया ।

थौं या अन्यौल राजनीतिं विदेशी तय्गु भरय् सिद्धान्तहीन मंकः सरकार व सिद्धान्तहीन पार्टी एकता याय् मज्यू धाय्गु खाँ स्पष्ट या । थुगु राजनीतिक अन्यौल मदय्केता जनताया ताजा जनादेश काय्गु अथे धाय्गु निर्वाचनय् वानय्गु हे प्रजातान्त्रिक लाँपु खः ।

(नेपाल मजदुर किसान पार्टीया सांसद प्रेम सुवाल जुं प्रतिनिधि सभाया बैठक २०७८ बैशाख २७ गते बियो द्यूगु न्वचु ।)

ख्वप नगरपालिकाय् जनप्रतिनिधिपिसं पदभार कुब्यगु प्यदाफूत

हानय् बहपुं सकलें दाजुकिजा तताकेहें पुं,

जिपुं जनताया भोतं त्याकः पदभार कुबियागु नं थौंसं प्यदा फुत । २०७४ साल जेष्ठ ७ गते जिमिसं जनप्रतिनिधि जुयो पदभार ग्रहण याडागु खः । पदावधिया ल्याखं डाब्वखय् प्यब्व ई जनप्रतिनिधि जुयो फुकय् धुन थुगु इलय् निर्वाचनया इलय् नेपाल मजदुर किसान पार्टीया घोषणापत्र पाखं जनताता बियागु वचन छगू छगू यायां पू वांकसे नगर व नगरबासीपिनिगु भिं जुइगु ज्या यायां वयो चवडा । थौं या थव भिंगुदिनय्सं नगरपालिकाया छगू छगू ज्याखय् साथ व ग्वाहाली बियो द्यपुं सकल नगरबासीपिन्ता दुनुगलं निसें सुभाय देछायो चवडा ।

कोरोना भ्वल्वचं उथि उथि काडः च्वंपुं संक्रमित पिनिगु जीवन रक्षाया नितिं चान्हिं मधसिं थाकु मचःसिं ज्या साड च्वंपुं सकल जनप्रतिनिधिपुं, चिकित्सकपुं स्वास्थ्यकःमिपुं, कर्मचारीपुं नपां ग्वाहालीमि (स्वयं सेवक) नपां सकल सिता उच्च सम्मान देछायो चवडा ।

कोरोना महामारीया हुनिं प्राण त्याग यापुं सकलसिता बिचः हायकसे परिवार जनपिन्ता धैर्य धारण याय् फय्म दक समवेदना प्वकसे, आइसोलेसनय् च्वंपिनिगु ल्वय मथां हे लानय्मः दक कामना याय् ।

हलिमय तस्कं ग्यापुकः डाडः, पुडः, स्याड वयो च्वंगु कोरोना भ्वल्वचं नेपःमिपुं नं पीडित जुयो च्वंगु दाच्छी दय धुकल । २०७६ चैत्र ११ गते निसें न्हापांगु लकडाउन यागु जुल । उगु इलय् विकास निर्माणया ज्यात, आर्थिक ज्या इवः तः, शैक्षिक क्रियाकलाप थजगु छुं नं ज्या अःपुक न्ह्याकय् मफूत । पर्यटकपुं नेपालय् चाह्यू वैगु लाहातय् निय जिइक म्हवें जुल । नपां पर्यटन लागा थाहाँ वयहे थाकु गालय् दुँ दुँ वान । ख्वप नगरपालिकाया दकलय् तहांगु आम्दानीया लुखा मध्ये छगू पर्यटन क्षेत्र वइगु आम्दानी बामलाक हे गाजलं दाल । अथेनं जनताया भिं ज्याखय् याय् मःगु ख्वप नगरपालिकां छगू हे त्वः मफिइक ।

कोरोना ल्वय अपलं डाडः पुड वांसेलिं दकलय् न्हःपां ख्वप नगरपालिकां ७५ शैय्याया बिस्कं आइसोलेसन केन्द्र दयकः ल । छँ याकचा एकान्तबास च्वनय् काथं मछिंपुं नगरबासीपिनिगु लागिं मः काथंया वातावरण नपांया आइसोलेसन केन्द्रया व्यवस्था नपां विदेशं वपिन्ता छँ च्वनय्गु लाकि होटल क्वारेन्टाइन च्वनय् धाय्गु ल्ययो च्वनय् दःगु व्यवस्था याड जनताता ल्वचं मपुंकः पाडः तय्गु कुतः याड वयो च्वंगु दः । जनचेतनामूलक ज्याइवः



ता हःनय् त तं न्हिया न्हिथं माइकिड याड त्वालय त्वालय नाः ट्याडकी नाः तयो साभूं बियो साभूं थाड लाहासिलय्गु व्यवस्था, विशेष पुचः पाखं ल्वय् जू पिन्थाय् च्वंगु फोहर मुनय्गु व्यवस्था, मः मःगु स्वास्थ्यया सल्लाह काय मःसा दक चिकित्सक पिनिगु नां सार्वजनिक याड जनताता अः पुक सेवा बियो वयो च्वंगु दः ।

जनजीवन बांलाक न्ह्याकय् मला बलय् हे हकनं कोरोनाया नेकगु लहरं भीता बांमलाक कल । देया थी थी थासय् उगु कोरोनाया नेकगु लहरं भीता बांमलाक कल । देया थी थी थासय् उगु कोरोनाया नेकगु लहरं ख्वपय् नं खानय् दः सेलिं ख्वपया नागरिकपिनिगु स्वास्थ्य सुरक्षाया लागिं नगरपालिकां ५० गू बेडया आइसोलेसन व २५ गू शैय्याया एचडी यु (आइसीयु स्वयो कम व सामान्य स्वयो च्वयया सेवा) सञ्चालनया तयारी याडा । २०७८ बैशाख १७ गतेनिसें ख्वप अस्पताल कोभिड युनिट सञ्चालनय् हया, गुकिं अः नगरबासीपिन्ता तस्कं ग्वाहाली जुयो च्वंगु दः ।

ख्वप अस्पतालया भवन दाड च्वंगु दः । अः याता नीडागू शैय्याया स्वीकृति जूसां लिपा १०० गू शैय्याया तक तय् छिकः भवन दाडः च्वंगु दः । अथेनं फुक्क भवनजाय्कः ज्या सिमधय्कं हे कोरोना भ्वल्वय तस्कं ग्यापुकः डाड पुड वयो च्वंगुलिं ख्वप नगरपालिका वडा नं. ९ ब्रम्हायणी च्वंगु बहुउद्देशीय भवनय् अः ख्वप अस्पताल कोभिड युनिट काथं न्ह्याकागु दः । उकियाता बांलाक स्वयता ख्वप नगरपालिका वडा नं. ९ या वडाध्यक्ष रबिन्द्र ज्याखय्या कजिखय् न्हय्म्हासिया छगू पुचः दयक ज्या हज्याक चवडागु दः । अः उगु केन्द्रय् नेम्हा चिकित्सक, खुम्हा नर्स व मः काथंया कर्मचारी तय्सं चां न्हिं सेवा याड वयो च्वंगु दः । व बाहेकं छम्हा फिजिसियन व छम्हा ऐनेस्थेसिया



सुइनेगूगु स्वप पौ, बःछि पौ(पाक्षिक)

चिकित्सकं मदिक्क सेवा याड वयो च्वंगु दः । उगु केन्द्र न्ह्याकयता छगः कोभिड डेडिकेटेड एम्बुलेन्स, स्वाव संकलनया लागिं छगः व न्हिया न्हिथं माइकिड यायता छगः, इमर्जेन्सी सेवाया लागिं छगः मुक्कं प्यंगः गाडीं सेवायाड वयो च्वंगु खाँ ब्याक च्वडा ।

ल्वय पुं पुं अपलं नागरिकतयगु स्वास्थयता बिचः याड जनस्वास्थ्य केन्द्रय छुं ई या ला गिं ओपिडी सेवा दिक्कः इमर्जेन्सी सेवा व ज्वरो व पुं कोरोना ल्वयया शंका जूपुं ल्वगि तयगु परीक्षणया लागिं फिभर क्लिनिकया ब्यवस्था याड वयागु दः । ख्वप नगरपालिकापाखं न्ह्याक च्वंगु ख्वप अस्पताल कोभिड युनिटय् जेठ ६ गते तकखय् १२१ म्हा सिनं उपचार सेवा काय धुंक्गु जुलसा अः आइसोलेसन व एचडीयु खय् याडः ४५ म्हा सिनं स्वास्थ्य लाभ याड च्वंगु दः ।

अक्सिजन बिय मःपुं ल्वगित अप्वः दयो वसेलिं नेपाल सरकारकय् अक्सिजन माला दक बारम्बार ताकेता याडा । २०७८ बैशाख २७ गते निसें न्हिं ३० गः सिलिण्डर व बैशाख २८ गते निसें न्हिं ८० गः सिलिण्डर अक्सिजन ग्यास ख्वप अस्पतालया लागिं बियगु सीएमसी पाखं क्वः छित । भीगुया लागिं व तस्कं लसताया खाँ खः । अथेनं उगु खाँ जक जुयो ज्या मयासीं च्वडः भीता गुब्लें हे अक्सिजन छोयो महः । हिगः नीगः अक्सिजनया सिलिण्डरं जक भी नगरबासीपिन्ता म्वाकः तय् मफैगु खाडानिं जिमिसं थी थी कम्पनी पाखं ह्यो अक्सिजनया समस्या ज्यंक्कः च्वडा ।

अः पुक्क अक्सिजन मदैगु अक्सिजन मदयक ल्वगित म्वाकय् मफैगु निजी व सरकारी अस्पतालया आइसीयू मामां हे ल्वगित सीडच्वंगु खानय् दः सेलिं वहे स्थितियाता बिचः याड ख्वप नगरपालिकां ख्वप अस्पतालय् थमनं हे अक्सिजनप्लान्ट तयगु खाँ क्वः छिडः उगु ज्या हछ्याड च्वंगु दः ।

भक्तपुर अस्पतालं न्हपा स्वयो अः बांलाक सेवा बियो वयो च्वंगु दः । थुगुसी बागमती प्रदेशया दकलय् बांलागु (उत्कृष्ट) अस्पताल दक घोषणा यागु दः । नगरपालिकां अस्पताल ब्यवस्थापनय् च्वड मः काथंया मंकः कुतलं ज्या साड मःगु ग्वाहाली याडः वयो च्वंगु दः । अः कोभिड अस्पताल काथं हज्याड च्वंगु दः । भक्तपुर अस्पतालं कोभिड संक्रमितपिन्ता इमर्जेन्सी, आइसोलेसन जनरल, आइसीयू व भेन्टिलेटरया सुविधानपांया उपचार याड च्वंगु दः ।

भीसं कपः ल्हाड धाय् फया-स्वास्थ्य लागाय् ख्वप नगरपालिकां नगरबासीपिनिगु लागिं च्वःजःगु (उत्कृष्ट) सेवा बियोवयो च्वडागु दः । संघीय सरकारकय् जिमिसं डागू भेन्टिलेटरनपां हिगू आइसीयूया लागिं व अक्सिजन प्लान्टया

लागिं मः मः गु ग्वाहाली फवड च्वडागु दः । लिपाया थुगु इलय् ख्वप अस्पतालया नामयँ छुं छगू स्वास्थ्य उपकरण, आर्थिक ग्वाहाली ब्यगु मरु । जिमिसं जनताता विश्वासयाड जनताया भरय् हे ज्या साडः च्वडा । वांगु दायँ जिमिसं जनताता विश्वासयाड जनताया भरय् हे ज्या साडः च्वडा । वांगु दायँ जिमिसं कोरोनां ल्वचं पुपिन्ता आइसोलेसननपां मेगु मः मःगु ब्यवस्था याय्या लागिं ग्वाहाली फवडा बलय् अपलं स्थानीय मनूत संघ संस्थां दुनुगलं निसें ग्वाहाली याता । वांगु आ.व. २०७६/७७ य् ६० लाख ७३ टु तका दां व चालु आ.व. २०७७/७८ या हिला दुनयँ ४२ लाख ४० टु तका दां याड मुक्कं १ कारोड २ गू लाख स्वयो अपः नगद व लाखाँतका बराबरया जिन्सी ग्वाहाली ब्यगु दः । व फुक्क धेबा नगरपालिकाया प्रकोप ब्यवस्थापन कोषय् मुडः खर्च याडः वयागु खाँ छिकपिनि हनयँ पिबवयो च्वडा । दुनुगलंनिसें लयतायो ग्वाहाली याड द्यपुं सकल महानुभावपिन्ता थौं या थुगु विशेष दिन खुनुं दुनुगलंनिसें सुभाय् देछायो च्वडा ।

कोभिड विरुद्ध खोप ज्या इवः न्ह्याक च्वंगु दः । थुगु इलय्तकखय् नगरपालिका दुनय् जक २१,७८१ म्हासिता चिनियाँ खोप भेरोसेल व ३०,७०२ म्हासिता भारतीय खोप कोभिडशिल्ड छक (न्हापांगु चरण) बिय धुंक्गु दः । अथेनं कोभिडशिल्डया नेकगू खोप २,४३७ म्हासिता व भेरोसिल खोपया नेकगू खोप म्हेगु बैशाख ६ गते निसें बियो वयो च्वंगु जुल । जेठ ६ गते छन्हुखय् हे ख्वप नगरपालिकाया १ वडा निसें ५ वडा तक खय् १, २८६ म्हा भेरोसिल खोपया नेकगू मात्रा बिय धुंक्गु दः । खोप कः भ्नाइपुं नगरबासीपिन्ता धैर्य पूर्वक हथाय्मचःसिं च्वड दियता नं इनाप याय् । छिकपिनिगु जीवन सुरक्षाया निंतिं ख्वप नगरपालिकां मदिक्क ग्वाहाली याड च्वंगु दः । नगरबासी पिनिगु स्वास्थ्य सुरक्षाया निंतिं नगरपालिका न्ह्याब्लें क्रियाशील जुयो ज्या सानय्गु बचं बिय ।

कोरोना महामारीया दथ्वी नं नगरपालिका पाखं न्ह्याकः च्वंगु जनस्वास्थ्य केन्द्रं ओपिडी सेवा व इमर्जेन्सीसेवा मदिकसैं वयो च्वंगुलि चालु आ.व. या हिलाखय् मुक्कं ९६,१५७ म्हा विरामीपिन्ता स्वास्थ्य उपचार प्रदान याय् धुंक्गु दः । अथेनं तस्कं दुःख तायो धाय् माल च्वंगु दः नेपःया सरकारं बिमापाखं बियमःगु डागू करोड व डय्गु लाख तका दां स्वयो अपः धेबा अः तक जनस्वास्थ्य केन्द्रता मब्यूनि । थुकिया बारे स्वास्थ्य मन्त्रालय, बिमा संस्थानकय् जिमिसं बारंबार माग याड च्वडा अथेनं न्हय्प सिलिंचाय् हे द्रहँ मवां ।

दम, म्वसः वपुं पुलांगु (दीर्घ) ल्वय जूपुं ल्वगितय् लागिं जापानी प्रविधिं उपचार यायता नेपः याय् हे न्हपांगु



खुइनेगूगु स्वप पौ, बःछि पौ(पाक्षिक)

शवास-प्रशवास केन्द्र खप नगरपालिकाय् निस्वाडः उपचार यायां वयो चवडा । नपां आयुर्वेदिक व मिखाया ल्वगितय्ता नं अःपुक सेवा ब्यू ब्यू वयो चवडागु दः ।

दाजुकिजा तता केहेपुं

२०७२ सालया तः भवखाचां खप देश्य बांमलाक लिचवः लागु दः । १२० गू स्वयो अपः सम्पदात थुडः स्यंक आंशिक व पूर्ण क्षति जूगु दःसा च्याद्वखा स्वयो अपः छँखात स्यंकः थुड ब्यूगु दः । जिपुं निर्वाचित जुयो नगरपालिकाय् बहाली जुयानि ल्हवनय् -कानय् व दानय्गु ज्यात जिमिगु हःनय् चुनौती काथं दाड च्वंगु खः । उगु खाँयाता बिचः याडः नगरपालिकां सम्पदा व निजी छँ खा दानय्गुलि बः बियो वयो चवडागु दः । अः तक खय् नीस्वंगु देगः, पीगू फल्चा, द्योछँ खुखा, स्वंगू धवाका, च्यागः पुखु, न्हयगः तुंथि, च्यागू सतः, न्हयपु ल्वहँ हिति व मेमेगु खुगू सम्पदात याड मुक्कं १०८ गू सम्पदात ल्हवनय्-कानय् व दानय्गु ज्या क्वचाय् धुंकगू दःसा मेगु हिंच्यागू-नीगूति सम्पदात ल्हवनय्-कानय् व दानय्गु ज्या क्वचाय् धुंकगु दःसा मेगु हिंच्यागू नीगूति सम्पदात ल्हवनय्-कानय्या इवल्य दः । तः भवखाचां स्यंकगू निजी छँ मध्ये लाभग्राही धलःखय् नां जायक तःगु थ्यं मथ्यं ४० प्रतिशत छँ खा जक दानय् सिध्यकगु दः । ल्यं दःगु दानय् मःगु अवस्थाय् दःनि ।

चालु आर्थिक वर्ष २०७७/७८ या फुक्क धाय्थे ई हे कोभिड भवलयया ग्यापुगु दिन स्वयो फुकय् माल । थुगुसी नगरपालिकाया थःगु हे (आन्तरिक) व पिनय्या (बाह्य स्रोत) पाखं चय्गू योजनात न्ह्याकः च्वंगुलि हिंच्यागु योजनात क्वचाय धुंकगु दःसा खुइनेगू योजनात न्ह्याड च्वंगु दः । थुगु हे आ.व. खय् लोकं हवागु हलिमय नां जःगु डातापोल्हँ देगः ल्हवनय् कानय् याडागु, लाय्कुली च्वंगु वत्सला देगः दानय् धुंगु, भार्वाचोनिसँ च्याम्हासिगलय् तकया मूँलाय् ल्वहँतसिय् धुंगु, खप नगरपालिका वडा नं. ४ या चपालय् भैलद्योया द्यो छँ ल्हवनय् धुंगु, खप नगरपालिका वडा नं. ५ ल्योसिं ख्यलय् च्वंगु च्यासिदेगः दानय् धुंगु, खप नगरपालिका वडा नं. ६ या भोलाछँ पुखु ल्हवनय् धुंगु, खप नगरपालिका वडा नं. ७ या गयभिद्योया ताँ व हनुमानघाटया छिपा ताँ दानय् धुंगु, लायँ लयँ मता तय्गु (सडक बत्ती) ज्यात क्वचाय् धुंगु दः । नपां मेमेगु अपलं सम्पदाया (पुनःनिर्माण) दानय्गु व (जीर्णोद्धार) ल्हवनय्-कानय्या ज्या जुयो च्वंगु दः । कोरोना भवलयया लिचव म्हव जुयो सामान्य जूगु इलय् खप नगरपालिकाया गवसालय् अन्तरनगर खेलकुदता मदिकसें न्ह्याकः २०७७ फागुन २९ गतेनिसँ चैत्र ३ गते तक अन्तरनगर चेषया धिं धिं बल्ला कासा याय्ता तः लात । देया

नीन्यगू नगपालिकां बवति कःगु उगु धिं धिं बल्ला कासा नपां विद्यालय् स्तरीय धिं धिं बल्ला कासा नं न्ह्याकगु खः । उगु धिं धिं बल्ला कासा खय् ड्यगूगु ब्वनय्कुथिया १,८१८ ब्वनामि कासामिपिसं बवति कःगु खः ।

कोभिड भवलय् शिक्षा क्षेत्रय् बांमलाक लिचव लाकल । ब्वनय्कुथि हे वयो भौतिक उपस्थितिखय् कक्षा चाय्केगु सम्भव मरुगु इलय् अनलाइन पाखं आखः ब्वंकय्ता बः याड चवडा । ब्वनामिपुं ब्वनय्गुलि म्हवँ जुयो थमनं दक थी थी वैकल्पिक विधिपाखं आखः ब्वंकय्गु ब्यवस्था याय्ता विद्यालय ब्यवस्थापन समिति व शिक्षकपिन्ता आग्रह यायां वयो चवडा । एस ई ई परीक्षाता बिचः याडः भर्चुअल कक्षाता मदिसँ न्ह्याकः वयो चवडागु दः । च्यागू तगिंया परीक्षा सम्बन्धी स्वापु दःपुं नपां छलफल न्ह्याक चवडागु दः । नपां चवय थ्यंक (उच्च शिक्षा) ब्वनय्गु मति दःपुं गरिब ब्वनामि मध्ये थुगुसी ११९ म्हा ब्वनामिपिनिगु लागिं छम्हा ब्वनामिया लागिं डागूलाख तक दांतक शैक्षिक ऋण स्वीकृति जूगु खाँ थानाब्याकः चवडा । ब्वनामिपिन्ता स्थानीय विषयवस्तुया ज्ञान बियगु मतिं स्थानीय पाठ्यक्रम दय्कः छगू तगिं निसँ च्यागू तगिंतक ब्वंकय्गु ज्या जुयो च्वंगु दः ।

खप नगरपालिकापाखं न्ह्याक च्वंगु कलेजत मध्ये खप इञ्जिनियरिड कलेज पूर्वाञ्चल विश्व विद्यालय पाखं न्ह्याकः च्वंगु कलेज मध्ये दकलय् बांलागु (उत्कृष्ट) काथं ल्यज्या (घोषणा) यागु खः । श्व भ्नी फुक्क सिया नितिं लय्ताया खाँ खः । निषेधाज्ञाया इलय् ब्यापारी (बञ्ज) तय्सं मखुसां सामानत सुचुकः कृतिम अभाव दय्कः (उपभोक्ता) न्याडः नैपिन्ता ठगय् याय् फःगु खाँया ता बिचः याडः बजार अनुगमन मदिकक याडागु खः । उगु इलय् छ्यासा याड तःगु सामान, म्याद फुगु, नय मज्यूगु छ्यासा दःगु सामान म्युपुं बञ्जतय्ता कानुन बमोजिम कार्वाही नं जुयो च्वंगु दः ।

भक्तपुर क्यान्सर अस्पतालय जुयो च्वंगु आर्थिक अनियमितता मदय्केता मदिकक कुतः लिपा नं उब्लेया ब्यवस्थापन समितिया पदाधिकारीपिसं वेवास्ता यागुलिं नगरपालिकाया न्हयलुवाय् ब्यवस्थापन समिति निस्वाडः हज्याडा गु खाँ सकिसिनं स्यूगु हे खाँ खः । छगू गैरसरकारी संस्थां (एनजिओ) जनताया सम्पतिया थजगु उगु अस्पताल नेपाल सरकार मन्त्री परिषदया न्हिल्या २०७७ साल कार्तिक २४ गतेया बैठकं गठन आदेश जारी याड सरकारया स्वास्थ्य नीतिकाथं सरकारी सरह न्ह्याकगु दः । श्व भ्नी खपया जनताया नितिं लय्ताया खाँ खः ।

इलय हे देसी सः (रासायनिक मल) हयो बिय मफःगुलिं



खुङ्गेगु खप पौ, बःछि पौ(पाक्षिक)

बुं सैगु अन्न तस्कं म्हवँ जुङ्गुलिं वहे खाँयाता बिचः याड कृषि मन्त्री, साल्टट्रेडिङ लिमिटेड व कृषि सामग्री कम्पनी प्रतिनिधिमण्डल वाड देसी सः ह्यकेता ज्या सांगु खाँ नं थाना ब्याक चवडा ।

अपलं जनसंख्या दयो वसेलिं त्वनय्गु नाःया लागिं नं नगरपालिका मू ज्या काथं हछ्याड साड चवंगु दः । भीकय् दःगु स्रोतं वगु नाःयाता व्यवस्थित काथं इड बियगु, न्हँ न्हँ गु नाः छँ त मालः त्वनय्गु नाःया लागिं अपुकः वियगु काथं ज्या साड चवंगु दः । श्व हे भ्वल्य्, काठमाण्डौ उपत्यका खानेपानी बोर्ड, केयूकेएल व खप नगरपालिकाया पदाधिकारीपुं मुडः मंकः बैठक चवडः खप नगर दुनयँ मेलम्चीया त्वनय्गु नाः मथां हे इड बियागु खाँ क्वः ज्यूगु दः । मेलम्चीया नाः इडः मब्यतलया लागिं बोडेया नाः खपय् न्हा स्वयो अपः छवयो ह्यगु सहमति जूगु दः । उकिं भातिचा नाःया समस्या ज्यंगु दः ।

भक्तपुर हस्तकला लागाय् निःस्वांगु इलय्या उद्देश्यया अखःअःतःतः हांगु उद्योग तय हयो (वातावरण) लकस प्रदुषण, व सः (ध्वनि) प्रदुषण नं जुयो चवंगु जनताया द्वपंयाता बिचःयाड उगु औद्योगिक क्षेत्र चिडकः छवय्ता मदिकक कुतः जुयो चवंगु दः । उगु थाययाता निस्वांबलया उद्देश्यकाथं हे हस्तकला नपां स्वापु दःगु औद्योगिक लागु काथं विकासयाय्ता जिमिगु कुतः जुयो तुं चवंगु दः ।

खप नगरपालिका दुनय्या दीर्घरोगी उखुम (क्यान्सर), नुगः, मृगौला व मस्तिष्कघाट जुयो चवंपुं ल्वगि तय्ता छम्हासिता हिद्वतका दां बियो ग्वाहाली याड वयो चवंगुलि आ.व. २०७७।७८ या थुगु हिलाया दुनयँ १२८ म्हा सिनं रु.१२,८०,००० (हिन्यगु लाख व चयद्वतका दां) ग्वाहाली याय धुंगु दः ।

इतिहास, भूगोल, राजनीतिशास्त्र, संस्कृति व नेपाल भाषाख्य चव्य थ्यंकः (उच्च शिक्षा) ब्वनिपुं ब्वनामिपिता फुक्क धेबा पुलः बियगु (पूर्ण छात्रवृति) व्यवस्था याडःवयागुलि थुगुसी उगु विषय कायो उच्च शिक्षा ब्वडः चवंपुं ब्वनामिपिसं मुक्कं डागू लाख व खुईच्यातका दां बराबरया छात्रवृति काय धुंगु दः ।

नगरपालिकाया ग्वसालय् न्ह्याकगु देको मिवा इटापाके जग्गा एकीकरण आवास योजनाख्य जग्गा लिता बियगु भ्वल्य् जनताता जुगुःखाँ न्यनय्गु भ्वल्य् वगु नुगःखाँ याता सम्बोधन याय्गु ज्या जुयो चवंगु दः । मथां हे उगु ज्या क्वचाय्केगु जुई ।

नगरपालिकाया ज्या भ्वःतः जनताया दशवी थ्यंकय्ता 'भक्तपुर' लय् पौ व खप पौ-बःछि पौ, भक्तपुर खबर डटकम, अनलाइन रेडियो कार्यक्रम, खप सः नपां सञ्चार माध्यमपाखं प्रशरण क्यड, ब्वयो, वयो चवडागु दः । अथेहे 'हाम्रो अभ्यास'

'सम्पदा पुनः निर्माण र जीर्णोद्धार' खपको पहिचान नपां या साफूत नं पिथाडः चवंगु दः । थजगु साफू पिकाय्गु ज्याख्य नगरपालिका मदिसँ हज्याई ।

आ.व. २०७८।७९ या बजेट पिब्वय्गु ई नं हनय् वयो चवंगु दः । जिपुं बजेट दय्केता जुयो चवडा । अःयाय्गु आर्थिक वर्षया बजेटय् नगरया विकासया लागिं छु गजगु विकास निर्माण व ज्या भ्वःत हछ्याय् दःसा जिई ? उगु खायँ थः थःगु सुभावा बियो नगरपालिकाता रचनात्मक ग्वाहाली याड दियता थौ या थुगु ज्या भ्वःपाखं इनाप याड चवडा ।

नगरपालिकां छिकपिन्के इनाप याड चवडा कि-मज्यमगागु ज्या बाहेकं निषेधाज्ञाया इलय् छँ नं प्याहाँ भाय्मते । छि थःगु छँ सुरक्षित जुयो चवनय्गु हे कोरोना भ्वल्यं मपुंकः पाडः तय्ता तः हांगु ग्वाहाली जुई । प्याहाँ मभःसँ मगासा नेपाल सरकारं धायो तः काथंया स्वास्थ्य सुरक्षा मापदण्ड पालना याड जक प्याहाँ भाय्ता इनाप याय् । थुगु इलय् समाजता कोरोनां मपुंकः चवनय्गु मडाकः तय्गु भी सकसिया मंकः कर्तव्य खः ।

नगरवासी दाजु किजा तता के हँ पुं,

थुगु कोरोनाया इलय् छतिं हे भःभः मन्हूसँ, संयमता व धैर्य याडः, थःथःगु छँ सं चवडः ग्वाहाली याड दिसँ । छिकपिन्ता परेज्गु थीथी समस्याय् साथ बियता जिपुं जनप्रतिनिधिपुं न्ह्याब्लें तयारी दः ।

दकलय् लीपा, जनपतिनिधि पिनिगु ज्या व कर्तव्यबारे इलय् ब्यलय् जिपुं जनप्रतिनिधिपिन्ता सचेत यायां जनताया सेवा सं समर्पित जूयो हज्याय्ता मदिकक घवासा बियो उत्प्रेरित याड दीम्हा नेपाल मजदुर किसान पार्टीया नायो नारायण मान बिजुक्छँ जुयाता दुनुगलं निसँ आभार प्वंकः चवडा जनताया समस्या ज्यंकय्ता न्ह्याब्लें साथ ब्यू ब्यू प्रतिनिधि सभाय् जनताया समस्या ज्यंक सरकारया ध्यानाकर्षण याड च्वनिम्हा माननीय प्रेम सुवाल ज्यू, नगरपालिकाया ज्याख्य मःकाथंया सल्लाह व सुभावा बियो द्यपुं माननीय सुरेन्द्र राज गोसाईं व माननीय सृजना सैजु नपां सकल जनप्रतिनिधि पुं, कर्मचारीपुं, व मदिकक नगरपालिकाया ज्याख्य सियदय्कःव मदय्कः (प्रत्यक्ष व अप्रत्यक्ष) साथ बियो ग्वाहाली याड द्यपुं सकल नगरवासी दाजुकिजा तता केहँ पिन्ता दुनुगलं निसँ आभार प्वंकः चवडा । सुभाय !

(२०७४ साल बैशाख ३१ गते क्वचःगु स्थानीय तहया निर्वाचनं त्याकः न्हि ल्या २०७४ जेठ ७ गते खप नगरपालिकाय् जनप्रतिनिधिकाथं बहाली याड ज्यासांगु प्यदा फूगुया लसताय् जुमपाखं ग्वसःग्वगु ज्या भ्वःसं खप नगरपालिकाया प्रमुख सुनिल प्रजापति जु पाखं पिब्वगु प्रतिवेदन-सं.)



खुइनेगूगु स्वप पौ, बःछि पौ(पाक्षिक)

‘सरकारं ग्वाहाली मयासेलीं जिमिसं जनताकय् ग्वाहाली फ्वडा’

- नगर प्रमुख सुनिल प्रजापति

न्ह्यस : कोभिडया महामारीया दश्वी स्वप नगरपालिकां जनताया दश्वी छु छु ज्या याड तगु दः थै?

लिस : दाच्छी मयाकं अपः ई कोभिडया ल्वय नपां ल्वाडः फुत । न्ह्याथिन्योगु थाकुगु इलय् नं छवप नगरपालिकां जनताया स्वास्थ्य उपचार केन्द्रया खापा मत्यु । कोभिड महामारीया दश्वी २०७७ साउन १ गते निसैं २०७८ बैशाख मसान्त तक खय् जक जनस्वास्थ्य केन्द्रं गुइखुद्व व सच्छी व डयन्हय्म्हा ल्वगी तय्ता सेवा बिल । वांगु दायँ कोभिड संक्रमित पिनिगु लागिं आइसोलेसन व जुयफःगु संक्रमणता पाडः तय्ता छँ, होटल व नगरपालिकाया बिस्कं क्वारेन्टाइन व आइसोलेसनया ब्यवस्था याड मः मः गु सेवा ब्यगु खः ।

न्ह्यस : कोभिडया नेगूगु लहर तया निं गथे ज्या साड दिया थै?

लिस : कोभिडया नेगूगु लहर तस्कं ग्यापुगु जुयो च्वना । समुदायलय् कोभिड ल्वय मपुंकः मडांकः तय्ता इलय् हे नगरपालिकां माइकिड याय्गु, की सीइगु वास क्लोरिन व स्वाखः होलय्गु त्वाल्य-त्वाल्य साभूथाड लाहा सिलय्ता मःगु ब्यवस्था यायां सुचुकुचुख्य अपलं बः बिया । नगरपालिकां २०७८ साल बैशाख



१७ गते निसैं छवप अस्पताल कोभिड युनिट न्ह्याकला । ७५ गू शैय्याया आइसोलेसन व २५ गू शैय्याया एचडीयू सेवा उपलब्ध याडा । चच्छी न्हिच्छी हे नेम्हा डाक्टर, खुम्हा नर्स व मः काथंया कर्मचारीया बन्दोबस्त नपां छम्हा फिजिसियन व छम्हा एनेस्थेसिया विशेषज्ञ तयो सेवा बियो वयो च्वंगु दः । आना च्वंतलय् फुक्क सेवा धेबा पुलय म्वाय्कः निःशुल्क याड वयो च्वंगु दः ।

न्ह्यस : अक्सिजन गथे याड गाक हयो चडा थै?

लिस : ल्वगित अप्वः खानय् दयो वसेलिं आइसोलेसन केन्द्र व इमर्जेन्सी सेवा खय् अक्सिजन अपलं माल वल । जिमिसं नेपाल सरकार स्वास्थ्य मन्त्रालयकय् अक्सिजन माला दक धुरं धु आग्रह याडा । बैशाख २७ गते निसैं न्हिं सुइगः सिलिण्डर व २८ गते निसैं न्हिं ८० गः सिलिण्डर अक्सिजन छवप अस्पतालता बियगु दक सी एम सी क्वः छिता । व खॉ जक जुला ज्या छतिं हे मजु । अक्सिजन मदयो ल्वगित सीइगु सम्भावना अपलं खानय् दत । जिमिपुं कर्मचारीत थी थी अक्सिजन प्लान्टय् वाड नेगः प्यंगः अक्सिजनया लागिं चच्छी-चच्छी लाइन च्वड जुयो, हयो सेवा याड च्वना । अजगु ज्या ता ई तक याड च्वनय् फँगु सम्भावना मरु ।

न्ह्यस : अलय नगरपालिकां थमनं हे अक्सिजन प्लान्ट तयगु कुतः याडः च्वंगु खःला?

लिस : खः, जिमिसं नेपाल सरकारकय् भेन्टिलेटर, आइसीयू व अक्सिजन प्लान्टया माग याडा । तः कः हे माग याडानं जिमिता सरकारं ग्वाहाली मया । मनू सीय धुडानिं वास





खुडनेगूगु खप पौ, बःछि पौ(पाक्षिक)

छु याय्ता ? सरकारं ग्वाहाली मयासेलीं स्थानीय सहकारी संस्थात, शैक्षिक संस्थात, व्यवसायीपुं व मेमेपुं महानुभावपिन्के पटक-पटक बैठक चवड ग्वाहाली फ्वडा अलय् थमनं हे स्रोतदय्क अक्सिजन प्लान्ट, भेन्टिलेटर व आइसियुया व्यवस्थाया लागिं हज्याडा । जिमिसं जनताया दश्वी धाया-महामारीया इलय् छिकपिसं जिमिता ग्वाहाली बियोदिसैं जिमिसं छिकपिन्ता चवजःगु (उत्कृष्ट) स्वास्थ्य उपचार सेवा बिय । जिमिगु आग्रहता मज्यू मधःसैं अः जनस्तरं ब्वस्यलाक, उल्लेख्य ग्वाहाली बियो चवंगु दः । व सकल ग्वाहाली यागु संस्थात व महानुभावपिन्ता खप नगरपालिकापाखं अपलं सुभाय् देछायो चवडा ।

न्हयस : संघीय सरकार व प्रदेश सरकारकय आर्थिक ग्वाहाली मकायाला?

लिस : चव्य हे धाय् धुन, सत्ताय् चवंपिसं खप नगरपालिकाता स्वइगु महिताया मिखा अः नं मपानी, अजनं हे पक्षपाती मिखां स्वयो चवनातिनि । जनताया सेवा याइपिन्ता स्वयो थः पिन्ता कय् च्याइपुं पञ्चायती शैली त्वः मफ्युनि । जिमिसं नगरबासीपिनिगु स्वाभिमान म्वाक त तं स्वायत्तताया अभ्यास यायां वयो चवडा । सरकारं जनस्वास्थ्य केन्द्रता बिमा वापत बिय मःगु डागू करोड व ड्यगु लाख स्वयो अपः धेबायां अःतक मब्बुनि । अथेनं नगरबासीपिनिगु स्वास्थ्य सेवाखय् भ्याभाति हे म्हवैं मयाडा नि । नगरबासीपुं जिपुं लिसैं नपां दः तलय् संघ व प्रदेशं ग्वाहाली मयासां जनप्रतिनिधिपिकय् सेवायायगु भावनाय् भ्या भाति हे म्हवैं जुइके बिय मखु ।

न्हयस : खप अस्पताल कोभिड युनिटय् ग्वमहा संक्रमित पुं सेवा कायो वाना?

लिस : जेठ १२ गते तक खय् १५५ म्हा भर्ना जुयो सेवा काय् धुंकल । उलि मध्ये १२५ म्हा आइसोलेसन सेवा व ३० म्हा सिनं एचडीयु सेवा कःगु खः । अः ४१ म्हा सिनं सेवा कायो चवंगु दः । छैं छैं सं चवड चवंपुं च्यासः स्वयो अपः दः । वयकपिनिगु लागिं नं मःगु स्वास्थ्यया सल्लाह, वास इड बियगु फोहर मुडः हय्गु ज्या नगरपालिकां याड चवंगु दः ।

न्हयस : च्यामहासिंगलय् ओपीडी सेवा बन्द जूगु खः ला?

लिस : कोभिड संक्रमित पुं अपलं खानय् दयो वसेलिं आना वइपुं ल्वगि पिन्ता नं कोरोना पुनिगु खानय् दत । उकियाता मः काथं व्यवस्था याड हज्याय्ता ज्वरो वपुं व संक्रमण जुपुं मनूतय् लागिं फिबर क्लिनिक व्यवस्था याडः ओपीडी सेवा छुं ई या लागिं दिक् यागु खः । हकनं छसिकाथं स्वास्थ्य मापदण्ड पालना याड चाय्के । इमर्जेन्सीसेवा धःसा गुब्लें तिडागु मरु ।

हाय ! जिगु देय्

- रामेश्वर

जिगु देय्

वीर पिनिगु बलिदानं बहुदलवगु देय्

सुयाय्गुं उपनिवेशजुय्म्वगु देय्

वीर गोर्खालीतय्गु नामं नां जगु जिगु देय्

नां जककाय्बले छ्यौं धस्वाइगु जिगु देय्

तर दुःखतायो धाय्मगु दः

लयतायो धस्वाइगु छ्यौं

थौलज्यां क्वछुके मःगु दः

इमानदारतय्ता थाय् मरूगु देय्

गुण्डानायो त सांसद व मन्त्रीजुइगु देय्

बलात्कारीत खुलमखुल्लाचाहयु जुइगु

तर बलात्कारीतय्ता सरकारं म्हामस्यु

अकिहे छ्यौंलज्यां क्वछुगु दः

हाय ! जिगु देय्

जिगु देय्या सरकार,

सत्तालय्केःय्ता सांसद मियगु व न्यायगु याई

थगु सत्ताम्वाकःतय्ता

सरकारं न्हयागुहेनं याय् फः

जनता या सी म्हा न्यून्युं

पक्ष व विपक्षयाभोट निड च्वनिम्ह सरकार

हाय ! जिगु देय्

जनताया स्वास्थ्ययाविषयलय् सरकार सुंक

अक्सिजन मदयो विरामी अकालं सीगु जिगु देशय्

जनताया स्वास्थ्यखय् कमिशनया खेल म्हेतल

'बर्थ डे केक' यालागिं हेलिकप्टर चार्टर याय्फम्ह सरकारं

विरामीयंकेताएम्बुलेन्स व्यवस्थायाय्मफुत

ससलय् वानेता हेलिकप्टर गैपु सरकारं

लाँदथुइ सं विरामी सीगु मखां

अथे नं,

जिगु देय्या सरकार प्रमुख

जनतायादश्वीमखुगु खाँजकल्हाड च्वन

फुकं ठीक जु, फुकं बाँलड चवंगु दः धायो

खां सां मखां छुड, तःसां मतः छुड च्वनय् मगु

हाय ! जिगु दे



नेपःया कम्युनिस्टतय्सं पश्चिमबंगाल पाखं सय्केगु ला कि ?

वितेक

पश्चिम बङ्गालय् नकतिनी क्वचःगु निर्वाचनय् त्रिकूल कांग्रेस पार्टीया अत्याधिक बहुमत वल । पार्टी प्रमुख ममता बेनर्जी स्वकगू मूख्यमन्त्रीया शपथ काला । पश्चिम बङ्गालया २९२ थाय् मध्ये बेनर्जीया पार्टी टिएमसी सर्वाधिक २३१ थासय् त्याकला । सन् २०११ निसें बेनर्जी मदिक्क मुख्य मन्त्री जुयो वयो च्वंगु खः । व स्वयो हौं स्वीदाति मयाकं आना वाममोर्चा शासन यागु खः । अः धः सा भारतीय कम्युनिष्टपार्टी (सीपिएम) थ्यं मथ्यं ल्याखाय्ता हे मंत धः सां जिल । थथे छाय् जुला ? नेपः या माओवादी व एमाले थजपुं शासक कम्युनिस्टतय्सं नं बिचः याय् मःगु खानय् दः ।

संसदीय व्यवस्थाय् निर्वाचनय् त्याकः सरकारय् वानय्गु उलि तः हांगु खाँ मखु । हलिमयया अपलं देशय् वामपन्थी तय्गु सरकार दः । धात्थेगु खाँ यां कम्युनिष्ट सिद्धान्तकाथं ज्या सानय्गु खः । पुँजीवादी व्यवस्थाय् निर्वाचनं त्याकः वापिनिगु सरकारं सुधार बाहेक तः तः हांगु ह्युपा (आमूल परिवर्तन) ह्युफैगु सम्भव हे मरु । थ्व विश्व कम्युनिष्ट आन्दोलनं ब्युगु शिक्षा खः ।

पुँजीवादी व्यवस्थाय् कम्युनिस्टत सरकारय् वांसां सञ्चारमाध्यम, सेना, पुलिस, न्यायालय, कर्मचारीतन्त्र थजगु राज्यसत्ताया मुख्य मुख्य लाहा तुतित (हितियारत) पुँजीपति वर्गयाय्गु लाहातय्हे लाड च्वनि । अजगु सरकारं सुधारया ज्यायासां जनताता राजनैतिक व सैद्धान्तिक रुपं खाँ ध्वाथुइकः यंकय् मफूत धःसा छगू हे घटनां हे शासनसत्तां कक्कु तिड छोय्ता कुगाई । अकिया छगू स्यल्लागु दसु पश्चिम बङ्गाल खः ।

नेपाली मूलया अपलं मनूत दःगु पश्चिम बङ्गालय् वाममोर्चाया न्हयलुवाय दय्कगु सरकारं शिक्षा, स्वास्थ्य व ज्या दय्कः बियगु, रोजगारीया लागाय् सुधार मयागु मखु । अथेनं सन २००६ पाखय् उल्लेया मुख्य मन्त्री बुद्धदेव भट्टाचार्य नन्दिग्रामय् १० हजार विघा बुँ, इन्डोनेशियाया छगू कम्पनीता रासायनिक उद्योग दय्केता अनुमति ब्यूसेलिं स्थानीय जनताया तच्चकं विरोध जुल । मुख्यमन्त्री भट्टाचार्य जनताया खाँ न्यनय्गु स्वयो बलं आनायाय्पुं जनताता क्वत्यल छ्वता । अलय् अमिगु बस्तीहे आनानं थाडः छ्वता । वहे घटना कम्युनिष्ट पार्टी थता थमं गः कियगु थें जुला धाय्गु अपलं विद्वानपिनिगु धापु दः ।

सन् २०१६ खय् २६ गू थासय् त्याक वम्हा कम्युनिस्ट

पार्टी (सी पिएम) थौ लाहातय् नियता नपां मदय्कः बिला । आना भाजपां थःगु शक्ति भ्रन भ्रन छ्यडः यंक च्वंगु दः । थ्वनं हौं सन २०१६ खय् क्वचःगु निर्वाचनय् स्वंगू थासय् जक त्याकम्हा भाजपां थुगुसी ७५ गू थासय् त्याकगु दः ।

केरालाया चुनावय् धः सा वाममोर्चा हः नय् वगु दः । १४० गू थाय् मध्येखय् वाममोर्चा ९९ गू थासं त्याकगू दः । केरालाय् थ्यं मथ्यं पीदा हौं निसें वामपन्थीतय्सं सरकार चलेयाड वयो च्वंगु दः । आना भूमि सुधार नपां शिक्षा व स्वास्थ्य लागाय् अपलं सुधार याड वयो च्वंगु दः । सन १९५७ य् जुगु निर्वाचनय् केराला कम्युनिष्ट पार्टी बहुमत कः सेलिं नमुद्रीप्रसाद आनायाय्म्हा मुख्य मन्त्री जुला । उगु मन्त्री मण्डलं शिक्षाखय् अपलं सुधार याता । आधारभूत ब्वनय्कुथि तलब बढेयाड ब्युगु, कलेजया प्राध्यापकपिन्ता अधिकार व सुविधा ताडः ब्युगु निःशुल्क व अनिवार्य शिक्षानपां शिक्षाता विकेन्द्रीकरण याता । शैक्षिक लागाय् अमिसं अपलं सुधार याता । पुँजीपति वर्गया सरकारया उकिं तस्कं तुग-मुल । लज्यामचःसिं धोती फ्यड हे कम्युनिष्ट सरकार विघटन याड राष्ट्रपति शासन लागु याता । सन १९६५ खय् जूगु निर्वाचनय् नं कम्युनिष्ट पार्टी हे त्याता । उल्ले फुक्क धाय्थें नेतात जेलय् लाड च्वंगु खः । हकनं राष्ट्रपति शासन लागु याड कम्युनिष्ट तय्ता न्ह्यो छ्वय्गु ज्या याता । जनताता भिं याय्गु काथं छुं भाति सुधारया ज्या जक याय् तां बलय् नं पुँजीपति वर्ग गथेयाड धूं भ्रम्टेयाथें याय् यो धाय्गु छगू स्यल्लागु दसु केराला खः । अः नं आना वामपन्थी सरकारं छुं भाति सुधारया ज्या याड च्वंगु दः । केराला भारतया फुक्क थासय् मध्ये दकलय् अप्वः ज्याला दःगु थाय् व बांलाक सफल भूमिसुधार यागु प्रान्त जक धाइगु । शिक्षा, स्वास्थ्य व मेमेगु आधारभूत आवश्यकता बांलाक दःगु प्रान्त काथं नं केरालाता हे काइगु केराला सरकारं कोरोनां मथिइकः मपुंकः तय्ता यागु ज्यायाता भारतय् 'केराला मोडेल' काथं नां जः ।

अः भ्नीगु देश नेपः पाखय् छक मिखा ब्वय् । नेपालय् २०७४ सालया संसदीय निर्वाचनय् एमाले व मोओवादी गाथी चिडः अपलं थासय् त्याकला । पार्टी (एकता) नेगू छगू यासेलिं थ्यं मथ्यं स्वबव खय् नेबव (दुई तिहाई) या सरकार दय्कल । व पार्टीया घर कलहं (आन्तरिक विवादं)थौ देया



खुडनेगूगु स्वप पौ, बःछि पौ(पाक्षिक)

स्थिति भद्रगोल जुयो च्वंगु दः । अः कोरोना महामारी काथं डाडः पुडः वाड च्वंगु दः । देशय् दुनय् दक्वः सरकारी अस्पतालय् भेन्टिलेटर, आइसीयू व अक्सिजन मरुगु बुखौं न्हियान्हिथं प्याहाँ वयो च्वंगु दः । निजी अस्पतालयाय्पिसं स्यालय् तिय्थें ल्वगितय्के लाखौंलाख दां काकः च्वंगु दः । छगू अस्पतालं मेगु अस्पतालय् यंकय्गु इवलय् ल्वगित लाँय् दशवी सं सिड च्वंगु दः । सरकार धःसा छुं हे मखुथें च्वंक थःगु घःकलहख्य् (आन्तरिक विवादय्) हे तः तः क्यड च्वंगु दः । भारतं खोप ह्यता ३५ करोड तका दां या कमिशन कायगु खाँ मिलय मजगुलिं ह्य लिपा लागु जक धायो च्वंगु दः । धात्थे, बुखाँख्य् प्याहाँ वगु खाँ सत्य खःसा अजपुं ब्यापारी (बञ्ज) छम्हा छम्हासिता ज्यान मुद्दा चले याय् मः ।

धायो तः काथं पुँजीवादय् पुँजीपति वर्ग सीम्हा मनूया लासय् नं ब्यापार याड लवः नई । थौ थौ थौ घटनाक्रमं व खाँ मिथ्यामखु दक पुष्टि याडः च्वंगु दः । शासनसत्ताय् च्वड च्वपिसं देशया समृद्धिया चर्को चर्को भाषण याड लिड मलाक जगु दः । कोरोना भवत्वयया ल्या भारतय् स्वयो अपः दःगु व न्हिं हिद्वस्वयो अपः मनूत ल्वचं कःपुं अप्वयो वयो च्वंगु इलय् नं सत्तापक्ष व प्रमुख प्रतिपक्षय्य च्वपुं दलत व अमिपुं लाखौं कार्यकर्ता छाय् म्हुतुप्वः तिडः च्वना ?

प्रधानमन्त्रीया ध्यान विश्वासया मत कायगुलि व एमाले-कांग्रेस-माओवादी नपांया दलतयगु ध्यान जेष्ठ ६ गते राष्ट्रियसभा निर्वाचनय् जक चाक चाकहिल च्वना । राष्ट्रिय सभा सदस्य निर्वाचनय् एमाले उम्मेदवार राम बहादुर थापाया बिरुद्धय एमाले याय् हे मेम्हा स्वतन्त्र उम्मेदवार डा. खिमलाल देवकोटा थांगु खः । व स्वतन्त्र उम्मेदवार देवकोटाता नेकां, माओवादी व जसपां भोत बियगु सहमति जगु खाँ धायो च्वंगु दः । एमाले औपचारिक काथं तमज्यासां छगू छगू ज्या इवः तज्यागु मनस्थिति ज्वड ज्या साड वयो च्वंगु दः । निर्वाचनय् सु त्याई वा सु बुई धाय्गु मू खाँ मखु, सिद्धान्तं त्याय मःगु खः । अलय् ग्वलय् थाना सिद्धान्तया खाँ ? चुनाव त्याकय्गुया नितिं थाना न्ह्याम्हालिसें जूसां, न्ह्याथय् याड जूसां मिलय जुयो ज्या साड च्वंगु दः । थवयां राजनैतिक अनैतिकताया धच्यापुगु कासा खः ।

एमाले दुनय्या माधवगुटं ओलीता क्वःथय्ता थःगु हे दलयाविरुद्धय प्रतिपक्ष दलत नपां त्वायचिड गठबन्धन (गाथि चिड) याड जुल । माधव नेपालं फःसा मेगु पार्टी चाय्केमःगु खः । मखुसा एमाले दुनय् हे ल्वाडः च्वनय् मःगु खः । इखया नितिं विष त्वनय्गु दकलय् क्वह्यंगु लज्यामरुगु ज्या माधव गुटं साड च्वंगु दः ।

राजनीतिख्य बिचः पातकिं सैद्धान्तिक विवाद जुइगु, पार्टी दुनय अन्तरसंघर्ष जुइगुयाता छगू काथं प्रजातान्त्रिक ज्याइवः (प्रक्रिया) काथं काय्गु या । माधव नेपालं थःता न्ह्याब्लें सिद्धान्तनिष्ठ क्रान्तिकारी, नीति व विधिकाथं हज्याय्म्हा दक धाय्गु याड वयो च्वंगु दः । थःगु हे पार्टी क्वथय्ता प्रतिपक्षनपां मिलय जुयगु गनायाय्गु क्रान्तिकारी विधि व पद्धति खः ?

माधव समूहया फुक्क सांसदपिसं छकलं (संयुक्त) राजिनामा वियगु खाँया नं बय बय जगु खः । राजिनामा बिडपिसं खाँजक ल्हाड म्हुतुजक हाय्क च्वनिमखु राजिनामा बिलादक ओलीता छुं नं पाइमखु । तुफिंपुयमःगु धू फसं पुडकः यंकगु थें हाइसञ्चो जुइक । अलय् माधव गुटया लागिं धःसा विष त्वडः आत्महत्या याडागु थें जुई ।

साम्राज्यवादी तय्सं कम्युनिष्ट नां याता हे घृणा याई । अथे जगुलिं पुँजीवादी पार्टी हे जुसां एमालेत गुलिं देशया पार्टीतय्सं कम्युनिष्ट पार्टीकाथं हे स्वयो च्वंगु दः ।

न्ह्याथाय् जूसां नां जकया कम्युनिष्ट जूसां छुं भाति जनताता भिं जुइगु ज्या यागु जूसा जनताता बांलाइगु जुई । भिंपुं धात्थें खःपुं कम्युनिष्ट तय्ता ज्या सानय्ता काथं छिनिगु खः । जनताया मनय् अः फुक्क कम्युनिस्टत अथे हेंतुं यां खःनि धाय्गु मनय् वानय् धुंकल । थजगु भ्रमता खुडः हजयायमःगु नं थौं या मयासिं मगागु ज्या नं जुय धुंकल ।

भारत प्रान्तीय निर्वाचन नपां स्वाय् हःगु या मू उद्देश्य नेपः देशय् नं चुनाव हनय् वयो च्वंगु दः । भारतया हिन्दुवादीतय्गु साथ व ग्वाहाली दयो नेपः या जुजुवादीत उसिहीं साड वयो च्वंगु दः । भाजपां धर्मया प्रचार याडः निर्वाचनय् त्याक थें नेपालय् नं अजगु परिस्थिति वय फः । नेका, जुजुवादी, मधेसी छप्पा जुयो छगू थाय्सं मिलय जुयो दांसा अलय् एमाले व माओवादी दलत छम्हासिं मेम्हासिता न्ह्याथय् याड जूसां क्वथय्गु जक स्वसाः उकिया लिचवः कांग्रेसपिन्ता सरकारया जिम्मा लः ल्हाय्गु थें जक जुई । वनलिपा कम्युनिस्टतय्गु अवस्था छु जुई धाय् थाकु । पश्चिम बङ्गालय् जनतां विदेशीतय्ता जग्गा बिय धःगु घटनां ता ई तक ज्या सांम्हा वामपन्थी सरकारता बुलुहुं त्वः तं- त्वतं लिपाया स्वकया चुनाव लिपा थयं मथयं पुसा हे मरुगुथें याड यंकला । केरालाय् थःगु हे मोडलं ज्या सां बलय् आना वामपन्थित पीदा हाँ निसें सरकार चले याड च्वना । कोरोना महामारीया इलय् नं जनताया पक्ष ज्या मसांगुया लिचवः नेपःया कम्युनिस्ट शासक तय्गु नं अजगु हे गति मजुइ दक धाय् फैं मखु । नेपः या कम्युनिष्ट धः पिसं नं पश्चिम बङ्गालया चुनाव पाखं सय्केगु खःला ?

बुद्ध जयन्ती नपां चासपुन्ही (स्वांया पुन्ही)

आशाकुमार चिकंञ्जार

शौ स्वयो २५६५ वर्ष न्ह्यौ लुम्बिनीया क्यबय् सिद्धार्थ गौतमया जन्म जूगु खः दक अपलं दसि प्रमाणं पुष्टि याड च्वंगु दः । उकि मध्ये सम्रात अशोकं बुद्ध बुगु थाय् जक आखः कियो निस्वाड तःगु अशोक स्तम्भ नं खः । उब्लेया सम्राट अशोक चक्रवती काथं कायो तःगु खः । अजम्हा मन् (जुजु अशोक) भायो बुद्ध जन्मयाता सम्मान यासे थमनं बुद्धया दर्शन याय् दःगुलि थः ता अहोभाग्य तायकगुलिं नं बुद्धया महिमा भन च्वछायो वांगु खः । थुगु खाँयाता अभ्र च्वन्हाकय्गु काथं मायादेवीया गर्भय् दः बलय् तुयुम्हा किसी म्हागसय् द्रहँ वगु, जुजु शुद्धोधनता थ्व खाँ कां बलय् मायोदेवीता डतलय् दायो मथ्यंगु, सुथाय् रानीता हेय्कः न्हयलं ल्हातकीं अथे धाय्गु बांलागु म्हागस खानी बलय् न्हयलं दानय् धुंक हकनं देनकीं म्हागसय्या फल मदैगु धायो हेय्कगु, अलय् अःपराक्रमी काय् बुइगु खाँ कांगु, थः छँ वानय् दक वांबलय् मायादेवी याक्वं सिद्धार्थ गौतम बुइकगु, बुयवं छोवं फयो कःगु, बायँ तय्वं न्हयपला छिगु, पलाछिथाय् पतिकं पलेस्वं बुयो ह्वयो वगु अनेक किम्बदन्ती स्वाड वयो च्वंगु दः ।

सिद्धार्थ गौतमया जन्म कुण्डली स्वः बलय् कि थ्व भिक्षु जुई कि चक्रवतीं जुजु जुई धःगुलिं जुजु शुद्धोधनं सामाजिक संसारं तापाक्क दरवारया दुनय्सं अनेक रसरङ्गखय् भुलेयाड तः गुलि अभिभावक पिसं थः मचा तय्ता ब्यक्तिगत सुख सयलय् च्वनेगु स्यनिगु मानवीय स्वभाव क्यड तःगु दः । ब्यक्तिगत स्वार्थ पारिवारिक सुख, सुविधायो महाजालय् तः क्यंकः चिच्याधेराय् कुनय्गु स्वयगु खाँयाता क्यड तःगु सियदः ।

विद्वान मनूतय्सं ब्यक्तिगत स्वार्थ स्वयो सामुहिक स्वार्थ स्वइगु स्वाभाविक हे खः । दरवारया घेरां प्याहाँ वाडः थःम्हा सारथी छन्नयाता ज्वड राजभवनया पःखलं प्याहाँ वांगु इलय् मनूया प्राकृतिक अवस्था बुहाजुइगु, ल्वगी जुइगु अलय् थुगु देह त्वःत वानय् मालिगु थ्व अनित्य संसार त्वः त वानय्बलय् गथे अमर जुय फै धाय्गु चिन्तन यायां च्वन । विचार मन्थन यायां थः परिवारया माया मोहलय् तः क्यड च्वंतलय् सुख-सयल व राजवैभबया मायां भुंकः च्वंतलय् जनताया वास्तविकता थुइकय् मफैगु नपां चिन्तन मनन मयाकं कठोर मेहनत मयाकं छुं नं निष्कर्षय् थ्यंकय् फै मखु धाय्गु खाँ थुइकः थः काय् राहुल जहान यशोधरा अलय् जुजु शुद्धोधन, माता गौतमी राजदरवार फुक्क

फुक्क त्याग याड स्वायां पुन्ही (चासपुन्ही) खुनुं नीगुदाया उमेरय् प्याहाँ बिज्यागु जुल । अनेक हण्डर कस्त ननं तपस्या यायां ज्ञान प्राप्त यायां वसपोलं स्वाँयापुन्ही (बैशाख पुन्ही) खुनुं स्वीखुदाया इलय् बोधिवृक्षया मुलय् सर्वज्ञ बुद्धत्व प्राप्तयाड दिल । वयकलं बुद्धधर्म स्वयो दर्शन काथं थाय् थासय् भायो उपदेश बियो बिज्यात । भिक्षातन यायां अनेक थासय् बिज्याड अपलं तः मियुं मनूत, जुजु लानिपुं राजगृह त्वः त बृद्धया शिष्य जुयो वान । वयकलं 'जि' धाय्गु अहंकार मदय्क छ्वयगु हे दकसिबे तः हांगु सुख खः धायो दिल । छम्हासिं मेम्हा नपां, छगू जातिं मेगु जाति नपां, छगू थासं मेगु थाय्थाय्याय्पुं नपां अलय् छगू राष्ट्रं मेगु राष्ट्र नपां अहंकार तयो हे थौ तक हलिमय अशान्ति डाडः च्वंगु खाँ थौं नं उलि हे पाय्छी जू ।

मनू तय्सं लाँपु तानाजक आकास, पाताल, पृथ्वी गना गना लाँ मः जुई अलय् बुद्धं धाय् बिज्याथे लाँपु सर्गतय् मालां लुइला ? वयां थः गु हे मनय् दः । ' धात्थे थःगुमनं ल्यःगु ज्या हे थःगु जीवन न्ह्याकयगु लाँपु खः । मन मन्हायागु ज्या खं गुब्ले हे शान्त याइमखु । न्ह्याब्ले थःता इयातुक बिई । उकीं धाय् बिज्यात -न्ह्याब्ले मनय् तयो ति, बाँमलागु खाँ लहिड तय्गु थःगु





खुडनेगूगु स्वप पौ, बःछि पौ(पाक्षिक)

मनता झ्यातगु कु कुबिडक तयगु थें जक जुई ।' दक ।

श्व स्वार्थी व अल्ल्ही समाजय् दुःख, कष्ट व मेहनत हे मयासीं जीवन सफलताया च्वकाय् थ्यंकयगु मति दः पिनिगु ल्या म्हवें मजु । जादुया कछि थिडक लुँ पिकायगु मति दःपुं 'जुजु मिदास' थजगु बाखं न्य न्यँ ई फुक च्वंपुं व पारसमणिं न्या थिडक लुँ यायगु म्हागस ज्वड जू पिन्ता बुद्धं धाय् बिज्यात- 'गुगु ज्या थौं तस्कं थाकुक याई उकिं भविष्य तस्कं सुख याड बिई । उकिया लागिं अपलं कुतः (अभ्यास) याय्मः ।' उकिं ज्या मसांसी जीवन ख्युंला दक हः जुइपुं मनतयता धायो बिज्यागु दः-धात्थें छंगु जीवन ख्युंगु खःसा तुइजला छाय् मः मवाडागु ? उकिं थःगु मनं चिडः थमनं याय् मःगु ज्या मयासें कतः याड मबिला दक द्रुपं बियो कतयाता म्हुतु वाडः, ल्वापु थयो जुइपिन्ता धायो बिज्यात - 'थःगु मन फुकक मानसिक अवस्था स्वयो च्वय खः ।' थःगु मनं चिड छु याय् ज्यु छु याय् मज्यु फुकक सिडक हमज्यासा जीवन गालय दुनिगु पक्का नं खः उकिं मन चियता वयकलं उपदेश बियो बिज्यागु खः । उकिं धायो बिज्यात-'संसारया स्वंगू वस्तु ता ई तक सुचुक च्वनय् फै मखु व खः सुजद्यो, तिमिला अलय सत्य ।' उकिं बन्धन हे फुकक दुःख या पुसा खः । धायो बिज्यासे स्वतन्त्र चिन्तन मनन यायता सल्लाह नं बियो बिज्यागु खः । अर्ती, घर्ती यायगु जूसां न्यनयमः स्यातां क्व ह्यंक मखुसें भिंगु खाँवः व बांलागु मतिं न्वाडागु अलय यत्थें न्वाडागु खाँवलय् जीवन म्वाकयगु ला स्यायगुला धायगु शक्ति दैगुलिं म्हुतिई वला धायवं क्वें मरुगु मेचः पुडक यो योथें धाय्मते दक नं उपदेश बियो बिज्यागु दः । 'वांगु ई वानय् हे धुंकल । वैगु ई (भविष्य) यक्व तापानि । थौं (वर्तमान) या ई व खः गुकी थः म्वाय् फै ।' थौं या ई गुलि बांलाक छयलय् फता उलिहे कन्हेया दिन बांलाई । बुद्धया दर्शन जीवन दर्शन खः । जीवन दर्शनं लाँ बिकः च्वं पिन्ता लाँपु क्यनि । दुःखया लाँपु त्वःत सुखया लाँपुई तय है , अलय् मथां थ्यंक वानयगु बांलाक सकुशल थ्यंक वानयता बुद्धिमानी ताई । माया, मोह, लोभ पापया लिच्च अपराध खः । अपराधया मू हुनि अज्ञानता खः । उकीं अज्ञानतां मनूया जीवन खिउँक बिई । वयकं धायो बिज्याथें 'जीवनय् ल्यड च्वनिगु छुं हे मरु । द्रुलंद्र युद्ध त्याकयगु स्वयो थःगु मन चिडः थःता त्याकयगुति बांलागु मेगु छुं हे मरु । उकिं शान्ति थकय् दुनय् हे पिनय् मँः जुयां छु याय् ? उकिं थःगु उद्धार थमनं हे यो मेपिसं याड बिइ दक गुब्लें हे च्वनय् मते । जीवन सुखपूर्वक म्वायगु धायगु मनचियगु खः । थः गथेयाड म्वाय धायगु बिचः थमनं हे निर्णय यायगु खः । छफूति छफूति मुड घःजाइथें धैर्य याडः ज्या ह्छ्याय्मः । छाय्धःसा 'ख्युं उलि बमला मैनमता छप्वा जक च्यातकिं हे ख्युं अथें हे भः भः न्ह्यो चिल वानि ।' उकिं दुःख याता पितुपियो धैर्यया लाँपु

ज्वडः मनं गवयो ज्या सानिम्हा मनू हे मथां आजुई थ्यनि धायगु वसपोलया बिचः म्हेग गथे खः थौं नं अथेहे सत्य, अलय् कन्हे नं उलि हे सत्य जुइगुलि शंका मरु । उकिं बुद्ध धर्म कम, दर्शन अप्वः धःगु खः ।

जीवन निराश जुयो च्वंपिन्ता उत्साहया मता च्याकय् थें धायोदिल - 'न्हिया न्हिथंया दिन न्हँगु दिन खः । थुकिं भीता छुं नं पाइमखु कि म्हेग यायगु थाकूगु दिन गुलि थाकुक ई फुका थौं या दिन न्ह्याब्लें न्हँगु काथं न्ह्याकय् फै ।

बुद्ध, एशियाया छप्वा जाहाँथिगु मिला, सकल मनू तयता लाँ क्यनय् फःगु मता खः । त्याग, तपस्या, परोपकारया भावना ब्वलांकः बिना कारण स्यातां दुःख बिइगु उब्लेया दास युगय् मालिकं च्यो, भ्वातिं तयता दाइगु, स्याइगुया बिरुद्धय कतःया नुगः ख्वयकय् मते, हिंसा याय्मते धायगु मानवीय भावनां प्याकः समाजय् अन्यायया बिरुद्धय 'नौल दायं मस्या सांगुलं दायं स्या' धायथें अपलं समाजयाय्हे सत्तिगु उदाहरण बियो मनय् ध्वाथुइकः काड न्ह्याब्लें बलु मजुइगु दुरु ल्वहें थें यचुगु बुद्धवाणी २५६५ वर्ष दयाँ हे उलि हे चकाड च्वंगु दः । गुलि दुबिड स्वता उलि हे थिड जीवनया ख्युं तांकयता अः पुयो वै । २५६५ दँ क्यंगु बुद्ध जयन्तिया लुमन्ति बुद्धया छुं भाति जक न्हिथाडागु श्व खाँ समुन्द्रय् छलुता नाः जक थें खः ।

स्वांया पुन्ही (चास पुन्ही)

स्वांया पुन्ही चास पुन्ही बुद्ध जयन्ति खुनुं डाय्किगु छगू जात्रा खः । ख्वपया चासुख्यलय् डाय्किगु थुगु जात्रा अपलं सिनं मसिय फः । टिबुकछें, सुकुलढोका या क्वय्सं च्वंगु चासु ख्यलय् स्वता जःगु शिखर शैलीया चण्डेश्वरीया तस्कं बांलागु कलात्मक देगः दः । देग दुनयया चण्डेश्वरी (चास अजिमा) मसानय् उत्पति जूम्हा धायगु लोकोक्ति दः । जर्मन प्रोजेक्टं निकासया पाइप तयगु इवलय् गः म्हुगु इलय् आना धात्थें हे नौया बाः बाः हे दःगुलिं उगु खाँ सत्य खै । अलय चण्डेश्वरीया थाय् न्हपा मल्ल जुजु पिनि पालय् खाई (न्ह्याब्लें मि च्याक तैगु, गनां शत्रु त वसा क्वफ्वाड स्याइगु) दक प्रा.डा. पुरुषोत्तम लोचन श्रेष्ठं धायो दयगु न्यडा । उब्ले जिपुं मचात बलय् देगः या ल्यूनय् पाखय् ल्वहंगाः ताड तस्कं बल्लाक दाडः तगु किल्ला अः न्हँगु छँ दानयगु इवलय् स्पंकय् धुंकल । उकिं थुगु थाय् छगू किल्ला काथं दय्क तःगू छगू पुलांगु नाका नं जुयमः ।

किम्बदन्ती काथं देशय् चन्दमुन्द ? राक्षसं दुःख ब्युसेलिं चण्डेश्वरी अजिमा वयो उम्हा राक्षस स्याड जनताता मुक्ति ब्युगु दिन दकः उखुनुं जात्रा डाय्क वयो च्वंगु धायगु खाँ पुखाँ काड तकगु खः । थुकिया छुं इतिहासं प्रमाणित धःसा यागु मरु । श्व अनुसन्धानया विषय हे जुयो च्वंगु दः ।

चण्डेश्वरीया जात्रा पुन्ही हतखुन्ह तिप्वा जात्रायाड द्यो



खुइनेगूगु स्वप पौ, बःछि पौ(पाक्षिक)

क्वहँ बिज्याइगु धायो बहनी दोकाय् हःनय् मि छ्वय्क मि पांकिगु चलन दः । उब्ले द्योजक नेम्हासिं पाछायो जात्रा याई । अलय् जात्रा सिधय्कः द्यो देगल्य् तय् यंकी । अलय् पुन्ही खुनुं चासख्य त्वः या फुक्क धाय्थें मनूतय्सं छँ खा पतिं चण्डेश्वरी अजिमाता हः नय् बली (ग्वंगः, दुगु, फैं) बिई । अलय् दाफा भजनया मनूत मुड भजन हाली । बःन्हि नेता जःगु कलात्मक खःचाय तयो कुबियो जात्रा याई । उब्ले उगु त्वः (गना गना जात्रा यंकी आनाया) या बाँसुरी धिमायँ, धाँ बाजा ज्वडः जात्राता उल्लासमय याई ।

थुगु जात्रा पश्चिमय लाय्कुली थयंकः गुथि संस्थानया दुगुचा छम्हा बली कायो पुजा फयो आनानं लालाछँ अलय् पुर्वय दतात्रय तक यंकिसा आनासं च्वास्वमाय्, इखुजलय् यंकः कुथुपाली है । कुथुपाली चण्डेश्वरी अमिजाया थः छँ दकः पायँ म्हेतकेगु धायो न्हय्हु लुयो इरुथुरु याई । उब्ले फुक्कसिनं मेथाय् थें चतामारी छाय्गु याई । आनानं गलसी पुखु, याताय् यंकानिं क्वाछँ यंक अलय् सुथाय् द्यो थाहाँ बिज्याकिगु दक खतय् द्यो तयो कुबियो इरुथुरु याड तस्कं हायँपुक जात्रा याई । उब्ले हालिगु दाफा भजनया छपु म्यँ थाना न्हय्ब्वयो च्वडा :

व हे माई चण्डेश्वरी

मनोरथ पुरे याना बिबः ॥धु॥

जवसं श्री गणशपति, ख व सं श्री पशुपति

दश्वीसं हे जननी दश्वी सं श्री चण्डेश्वरी । वहे माई ॥

जवसं श्री जलधारा, ख व सं श्री सितल पौवा

दश्वी सं हे जननी दश्वी सं श्री चण्डेश्वरी ॥ वहे माई ॥

थुगु म्यँखय् न्हिथाड तः काथं देगः दुनय् गणेद्यो व माहाद्यो दःगु जुल दश्वी चण्डेश्वरीया आकृति मरुगु द्यो गुकिया गः चाय् जल दःगु थासय् लोहँ शिलाया द्यो थापना याड तःगु जुल । द्योछँ तयो तैम्हा आकृति दःम्हा पुलांम्हा द्यो धःसा खुयो यंकय् धुकल । उकिं लिपा भक्तजनपिनिगु ग्वाहाली व स्थानीय जनताया ग्वाहालीं न्हम्हा द्यो तःगु खः ।

पिनयँ जगति व देगः या उत्तर पाखय् ल्वहँ हिति अः नं तुरु तुरु जु सां हाल च्वंगु दः नि । दक्षिण पाखय्या तस्कं बांलागु कलात्मक द्यो छँ धःसा चण्डेश्वरी स्कूल नं तय्गु धायो कलात्मक द्यो, पालुफः फल्चा मदय्क आधुनिक काथं दय्कय् धुकल । थुगु इलय् उगु पुलांगु पहः या भीगु मौलिक पहःया द्यो छँ लिफ्यड दानय् फैंगु मफैंगु कन्हेया दिनं जक धाय् फैं । उगु फल्चा मध्ये उकि हे घागु मन्द फल्चा' नं खः । थुगु इलय् उगु फल्चाय् चवनय् बलय् सिलसिलफय् वयो ब्रुहा ब्रुहीपुं अजि बाज्यापुं न्हयो वयक च्वनिगुलि सायद फल्चाया नां हे मन्द फल्चा तःगु जुयमः । अथेहे पश्चिमपाखय् ताहा फल्चा धःसा ख्वप नगरपालिकां मर्मत याय् धुकगु दः । गुकी चण्डेश्वरी अजिमाया खःचा तयो तै । न्हपा

स्कूलया कक्षा चलेयाईगु अलय् सुथाय् बहनी धःसा दाफा हालेता छ्यली । अलय् न्हपा न्हपा भरियात नं बाय् चवनय्गु या ।

द्योया हः नय् न्हपा छपु खुसी दःगु गुकियाता अः जर्मन प्रोजेक्ट पाइपलायो धः याय् धुकल । अथेहे कुथुपालिया दश्वी नं छगु खुसीचा दःगु नं ध्वँ लायो धःयाय् धुकल । अथेहे न्हपा पोल्हँ अपाया पोल्हँ दःगुलि अः लिइ पोल्हँ (लुं सियो तःगु पोल्हँ) दय्के धुकल ।

न्हयागु थःजु थ्व छगु बिस्कं नखा काथं थौं तक डाय्क वयो च्वंगु दः । दुःख या इलय् थुगु जात्रा बिस्का धुनय्वं हे वइगु जूगुलिं जाकीचुंया चतामारी छुय मफयो त्यछ्वः या मारी छुडः हला धायो थुकिता गुलिसिनं त्यछ्वमारी नखा जक नं धाय्गु या । भौंतया चण्डेश्वरी जात्राया गुलि प्रचार जूगु खः । थुकिया उलि प्रचार जुगु खानय् मरु । ज्या (छ्वलय्ज्या) अपलं दैगु व चान्हयया जात्रा याइगुलिं नं सियानं उलि प्रचार मजगु जुयमः ।

किसानतय् न्हपा ब्रुया भरे म्वाय मःगुलिं वा पाय्ता पसिख्यलय् खल्हँ डाल तःगु खः । उगु खल्हँ वा पा पिसं जात्राबलय् चच्छी चिलाख (चिराग) मुस्यांप्वा च्याकः वानय् मः । गुकिया ल्या नं काय्गु याई । अः उगुथासय् दम्पिड साइड तयानिं थुगु चलन भाव भक्ति याइ पिन्के जक ल्यं दतानि । अथे हे न्हपा तिंप्वा जात्रा खुनुं भौंतय् निसें चण्डेश्वरीया स्वं कः वइगु अलय् हिं न्यदाया छकः थुगु चण्डेश्वरीया जात्रा नगरय् गुन्ही पुन्ही बलय् चाहिलिगु लायँ दे डांकः चाहिइकय्गु धःसा अः तक याड च्वंगु दः नि ।

भीगु संस्कार संस्कृति, पुर्खा त्वःत तकगु सम्पति, भीगु कला व संस्कृति खः । गुकियाता ल्यंक तय्गु भीगु कर्तव्य खः । थ्व भीगु म्हासिइका पिब्वय्गु छगू दसु नं खः । त्वः या अनेक विशेषता, एकताया चिं काथं नं जात्राता काय्गु याड च्वंगु दः ।

बुद्ध जयन्तिया दिनय् सं लाइगु थुगु जात्रा बुद्धया विरुद्धय धःसा धात्थें मखु । थुगु इलय् पशुबली थ्व हे थासय् जक याय् दःगु नं न्हपा निसें नियम दय्कः तःगु खः । चण्डेश्वरी द्योयाता गु लि आस्था व श्रद्धा दःगु खः उलि हे बुद्ध प्रति नं उलि हे आस्था व विश्वास थाना याय् पिन्के दःगुलिं थ्व बुद्धया विपरित मखु धार्मिक सहिष्णुता काथं डाय्कः वयो च्वंगु दः । थुगु (उब्लेया ८ (५) ११ व ७ वडा) जात्रा गनां जा छछाक त्वःत भ्वँ नयो डाय्की पुं नं दः । तिंप्वा जात्रा निसें द्यो थाहाँ विमज्यातलय् भ्वँ नयो डाय्की पुं नं दः । म्हाय् मचा, जिलाजं नपां फुक्क सःत भ्वय नकय् मःगुलिं थुगु नखा तः हांगु नखा काथं कायो डाय्क वयो च्वंगु दः । थुब्ले दाफा पुजा नं पः फयो चण्डेश्वरी दाफा भजन, गलसीपुखु दाफा भजन, डम्बरेश्वर दाफा भजन, चण्डेश्वरी भजन मण्डल पिसं भजन हाल जात्रा ज्व छि भक्तिभाव याई ।

(थ्व सामान्य म्हासिइका जक खः । थुकि मचः मगागु सुभावा, सल्लाह बियो तानय् नं फैं)

नेवः समाजय् धौ या महत्व (चवखँ)

• आशा कुमार चिकंबंजार

दरुया छगू बांलागु नसा (परिकार) मध्ये धौ छगू तस्कं महत्व दःगु बस्तु खः । धौ, दुरु खँ, चीज, रसबरी, मलाहीचा, नौनी, तस्मी, दुरु मारी थी थी सागु, माकुगु अनेक वस्तुत दुरु खं हे दयकी । अथेनं धौ नेवः समाजय् दकलय् चवय्याय्गु नसा काथं छ्यलः चवंगु दः ।

धौ छगू शुभया प्रतिक, गनां छुं भिंगु ज्या याय् मःसा धौ मदय्क मगा । धौ स्वंगं नेवः समाजय् दकलय् चवय्याय्गु व भिंगु चिं काथं काई । मनूया न्ह्यागुनं भिं ज्याखय् धौ छ्यली । मचा बुइबल, कु है बलय् धौ ज्वड वै । मानौ दकलय् चवछाय् बहुगु स्वंगं ज्वडः वयागु काथं मन त्याकी । मचाया बु दिं, न्यदापुन्ही, प्यदा बुन्ही (स्थानीय भाषं, प्यदा पुन्ही) निसें न्ह्याक्व हे बुहाया बुदिंथजु धौ मदय्क मगा । वहे धौ पतुखय् तयो धौ पतु दयकी । स्वंगं दय्कः तिकी । अलय् धौबजी बुली । धौ (धकः बजी) बजी कः वा मचात धाधां धौबजी इड बिइगु चलन धःसा अः मदयो हे वानय् धुंकल धःसां मपा । गुम्हां गुम्हां सिनं अः नं धौबजी, कयगु प्वया, लै, तुसी तयो पिखालाकी छाय्गु तक याड चवंगु खानय् दः नि । अलय् गणेशोकय् मेमेथाय् देकय् बुदिं या लसताय् धौबजी छाय्गु नं यानी । धौ स्वंगं तिडः वहे धौ बजी लिसें वालः थमनं जक मनसिं सकसिता नकिगु धौबजी नेवः समाजय् दकलय् चवय्या नसा खः दक थुकी धाय्फः ।

बुदिं जक मखु मनूया कयता पुजा वा इही वा बाहा तै बलय् छँ या थी थी पुजा जंक्व या भवयथजु धौ स्वंगं मब्यू सें मगा । अलय् थः थिति पिसं नं धौ स्वंगं ज्वडः मवांसीं मगा । नपां थः ता जन्म ब्युपुं मां व्वाया ख्वः स्व वानिबलय् नं धौ यंकः भिं उसायँया कामना यासे स्वंगं बिय्गु ता आयुया कामना याइगु चलन दः । थव थें भिंगु दसु मेगु छु दै ? धौ कला दुनय् थः ख्वयो कतता न्हय्यकी, लसतां जाय्की । भौ याता धःसा धौ तस्कं हे यई । उकीं धाइगु नं चलन दःधौ याता भौ पासा तयो तकय् थें जुई दकः । धात्थें खुयो नय्ता ई पिड चवंम्हा भौ याता वयागु हःनय् धौ स्वयो च्वँ दक तयो तकेगु खँया ता स्वःन्ह धानिगु थें जक जुई । उकिं होस याय्म दक समाजता सचेत याड धौ थजगु साःगु माकुगु नसा हःनय् तयो खँया प्वाल्य् भू तिय्गु थें कुबुद्धि याय् मज्य् दक सड्केत याड चवंगु खानय् दः । अलय् धौ

तस्कं माकुगु जूगुलिं थःगु लजगाः मेपिसं लाक काय्ता थःम्हा इष्ट छक क्यड बिया दक धालः धःसा बरु धौबजी छक नकय् त्यो, इष्ट क्यनय् मत्यो दक भी पुर्खा काड तः कगु खँ थौं नं उलि हे पाय्छी जू । अथेनं धेवा न्यायकःम्हासिं पुलय मफूसा तःमाही दबली तयो धौबजी नकः मुं तुइकः पार याइगु चलन धःसा बाज्या पिसं काडः तकगु जक न्यडा । स्वय मन्याडा ।

धौ फियबलय् धौ पुसा मदय्क मगा । धौ ख्वयकेगु इलय् धःसा वाता गनां सांकय् मज्य् । अलय् धौ फियबलय् उकिता मःछि क्वाक ! छ्याक्व माँ व फागां भुड तय्मः । थुकी छु सिय दः धःसा छुं नं साक, भिंक जीवन हानय्गु जूसा फुक्क वस्तुत ज्वलं छि दय्मः । अलय् जक जीवनं थःगु रुप काई धाय्गु खँ धौ फियगुलि कयं । अथेहे धौ कलाचाखय् तःसा कलाचा धौ, कला धौ, भ्यो धौ गुकि तला उकिया स्वरुप नपां थः नं ज्याय् सः नपां मनूया पहः थें थःगु जीवन गथे दय्केगु धाय्गु पहः नं धौ खय् हे खानय् दः ।

धौ छगू आत्मा, अथे धाय्गु म्वागुया चिं, सास, धौ मदय् धुंकगु प्वंगु कला छगू लास थें निर्जीव, निर्जीव जुई । न्हपा वहे धौ कला जासी कला जुयो कोमाय् वांम्हा विरामी थें जुयो म्वाई । ख्वंगु थासय् च्वड चवंम्हा धौ कला छत्थुं हे भतभती पूगु जासी खय् जासी कला जुयो कालापानीया सजाय फयो च्वनि । उकिं छगू सिद्धान्तया धौपुसां धौ ख्वः थें छधि जुयो म्वाय्ता धौ खं स्यड चवंगु जक खः ला ? धौ फिय्ता सूबुकः दाय्क तःगु दुरु हथाय्सं त्वँ वानिम्हा भौचा त्वाथय् फोटा वयक छुं नय् मजिक भुकय् जुयो च्वं थें मत्यय्कं वा धौ ख्वय हाँ तुं थिलकीं दुरुं पुम्हा भौचा थें भोक्रय जुयो सास्ती फयो च्वनय् मालय् यो ।





खुइनेगूगू स्वप पौ, बःछि पौ(पाक्षिक)

ब्योह ज्या याइबलय् गव्यँ नपां धौ यंकः नेम्हासिया तेपु जीवनया स्वापु नं धौ हेखः । नेम्हा मिसामिज्या साक्षी जक मखु नेम्हासिया जीवन सुथां लाय्मः धाय्गु भिंकांमना यासे नेम्हासिया सिलय् (सिरय्) स्वगं जुयो साक्षी जुयो बिइम्हा धौ या महत्व म्हेग, थौ व कन्हे नं म्हवँ जुइ मखु ।

अलय् लसताया भवँ नइबलय् गना धौ दइमखु व भवँ जुइ मखु । काप छक्वचाखं नपा सी, धौ छक्वचाखं भवँ सी धः थें धौ मरुगु भवँ या रौनक दैमखु । अलय् भवँ ननं धौ स्वगं तिड वय्गु नपां धौगवः लातकी काय् बुइगु वा भिं जुइगु विश्वास नं थौ तक याड च्वंगु दः ।

अथेयां धौ मनू सीबलय् लक्च, न्ह्यन्हुमाख्य नं तइगु चलन दः । डान्हुमा, न्ह्यन्हुमा वा क्वजा तय्यंकी बलय् नं धौ क्वखं क्वकाइला दक नं तय्यु याइ । अथेनं मचा प्वाथय् दैबलय मचा बुय हौं धौ बजी नकः बः तांकिगु व सगं तिक सुवा विइगु नं याः ।

धौ ब्वाया प्रतीक नं धः । थः बौ मदइबलय् दाच्छी तक धौ मनसी बार याइगु धौ गनां ब्वाया प्रतीक जक नं धाय् फः ।

अलय् गनां जलय् नैगु भवँ थजु वा गुथिया भवँ थजु धौ तयो नयानिं भवँ सिधल धाय्गु सड्केत बियगुलिं थ्व छगू सभ सूचं काथं नं काय् फः । अलय् गुलिं थः स्यापिसं गुथिपः सिधलकिं धौ तानय्गु नं या । अलय् मँचा बुइबलय् दुरुमाही छु सां उब्लेया हिंन्यन्हुया धौ फिड फुक्क थः थिति पिन्ता इड नकी । च्वलिं द्योथाय् छाय् यंकः थजु, गोठाला पुजा याड धौ धौ जक नइगु नं थौ कन्हे मदयो वान ।

न्हयाथय् थजु नेवः संस्कार धौ बूसां -सीसां मदय्क मगागु खया नं थ्व शुभया चिं काथं सुं तापाक्क तीर्थय् चाह्य वानिबलय् थजु वा विदेश्य वानी बलय् थजु नेख्य जःगु घःया द्योनय् धौ तयो शुभ जुयमः धाइगु व गनां नं सुं छुं दुकाय् मःसा नं अथे हे नेख्य जःगु घःया देनय् धौ तयो दुकाइ गु चलनं थ्व शुभ-लाभया चिं खः दक धाय् फः ।

धौ अथें ख्वइ मखु । थवनं छगू प्रक्रिया पू वांकय् मफूसा धौ दुरु तं जुयो च्वनि । गथे छम्हा बांलाम्हा कार्यकर्ता दय्केता सिद्धान्तं प्याकय् मःअनेक दुःख, कष्ट, हण्डर नयो खारय् जू थें दुरु सुबुक दाय्के मफय्क धौ ख्वइ मखु । अलय् गथे पार्टी दुनय् सिद्धान्त दै । व मार्क्सवादी सिद्धान्त थें मेपिसं पुलांगु हे थः धः धौ पुसा मदय्क धौ ख्वइ मखु । उकिं सिद्धान्तं छपा छधि याडः चिय मफूसा धौ ख्वई मखु । उकिं धौ छगू छप्पा छधि याय्गुया प्रतीक नं खः धःसां पाइमखु ।

गुब्लें गुब्लें धौ फिड तः थाय् सुं मनू (विरोधी) त वयो सिद्धान्तया फांगा मुल बिय यो । अलय् गुम्हां गुम्हां सिनं धौ ख्वय हौं हे सांक बिययो । अथे मनहे वाज्या क्वाज्या सांकः थातय् मलाक फय्खौं ल्हाड सांक विइपुं मनू तय्सं याड धौ छ्वालयो

च्वनि । व छप्पा छधि जुय फैं मखु । व कला नपां प्यपुनय् फैं मखु । थःगु आधार थःगु ज्याइम्हा कलाता वं त्वःति । लिचवः व दुरु हे जुयो च्वनि । धौ जुय फैं मखु ।

गुब्लें गुब्लें दुरु पं थिल धःसा व उब्लय् हे फःत पुली । वं थःगु पहः हे मदय्क छ्वै । थःगु जातीय वर्गीय स्वरुप हे अखेला थखेला मदय्क नाः व दुरु छखेलिई । थःगु अस्तित्व मदयो सः गालय् वाय् यंकी । सां नैगु फाँ याता नक बी । उकीं पंगु खौं न्यडः दुरु धौ जुय मफैगु लिं थुकि होस मयासीं मगा ।

थौ कन्हे प्लास्टिकया वट्टाय् धौ फिडगुलिं वयागु कमजोर नाः कलां त्वड, सालः काय् मफयो नक्कली जुजु धौ नक्कली कम्पुनिष्ट थें वयो च्वंगु दः । उकीं भीगु चाः या धौकला भीगु हे दुरु सुबुक दाय्कः बांलागु धौ पुसा तय्फःसा भीसं जुजु धौ नय खानी, सागु माकुगु छ्यासा मरुगु धौ जुजु धौ ।

ई पाड वॉलिसे धौया रुप नं पाड वान । धौ खय् नैकय जूकः स्वया (बुट्टा) बाना लुइकः तय्गु याड हल । अलय् चिनी दःगु व मरुगु (सुगरल्वय याय् पिन्ता नं जिइक) धौ नं दय्क हल । अलय् जिपुं मचातबलय् धौतकय् ह्य हौं हे चिनी तकय् हे । अलय् ब्वख्य च्वंगु बजी खय् गः चा दय्कः उकि चिनी तयो धौ तकानिं धौ बुलः धौबजी वाल नय्गु याई । अः धौखय् हे चिनी दैगुलि चिनी धःसा तकय् म्वल ।

आधुनिकताया पापु छुडः धौया रुप प्लास्टिकया गिलासय्, बट्टाखय् जक मखु धौ कला खय् च्वंगु धौया देनय् ई काथं बुदिया इलय् बुदिं याइम्हा मनूया नां नपां बुदिया भिन्तुना (Happy Birthday) दक अंग्रेजी च्वयो नं न्हूगु पहः कःगु दःसा इहिपाया इलय् भिं इहिपा (Happy Marriage day) दक च्वयो छाय्पियो नं धौ या फेशन याय्गु चलन अप्वयो वल । थ्वनेगू बाहेक मेगु लसताखय् नं अः च्वयो हैगु खः ला ? ईलं धाइ तिति ।

धौ जक मखु धौकला चुलः त्वनय्गु साः जक धौकला हयां फुयां याड नैपुं मनूतय्गु सबः स्वय बलय् थ्व छगू उपः सब थें ताय्कः च्वडा । उलि जक मखु धौ कला हे नैपुं (प्वाथय् दःपुं मिसात विशेष) स्वयबलय् भन अजु चाय्पुसे च्वं । अमिसं कःगु सबः धःसा मेपिसं काय् फैं मखु । छाय् धःसा व नय्गु वस्तु हे मखु ।

ख्वपया धौ सकसिनं जुजु धौ धायो लोकं हवाः । अथेनं धौ कुबिइगु सिगा व धौ देतानय्ता दय्कः तःगु धौका धःसा अः मदयो वान । मेमेगु साधनत वसेलिं धौया उगु ज्वलं धःसा न्हूगु पुस्तां म्युजियमय् जक स्वय खानिला धाय् थाकु । अथेनं धौ धःसा अः प्लाष्टिक गिलासय् फिसेलिं पसलय् पसलय् तुरुन्त याकचाय् न्याड नय् दैगु काथं छ्यलः हः सेलिं थ्व अझ व्यवसायिक जुयो वांगु लसताया खौं खः ।

खप नगरपालिकाया ज्या भवः त

कोभिड १९ पाड तय्ता सहकारी संस्थाया भूमिका

खप नगरपालिकाया गवसालय हलिमय महामारी काथं डाड च्वंगु न्हंगु भेरियन्टया कोभिड १९ मपुंकः पाड तय्ता बुधबार खप नगरपालिका दुनय् चायकः तःगु सहकारी संस्थाया प्रतिनिधिपिनि दश्वी जेठ ५ गते भर्चुअल अन्तरक्रिया ज्या इवः जुल ।

‘कोभिड १९ मपुंकः पाड तय्ता सहकारी संस्थाया भूमिका’ धाय्गु विषयसं जूगु ज्या इवः खप खप नगरपालिकाया प्रमुख सुनिल प्रजापति जुं कोभिड विरुद्धया ल्वापुखय् फुक्कसिया मंकः कुतलय् जक पुवांकय् फँगुलि मंकः कुतः या नितिं इनाप याड दिल ।

अः भ्नीगु स्वास्थ्य हे दकलय् तः हांगु व उकिता बचेयाय्गु हे मू खाँ जूगुलिं थः थः गु संस्थाया दुजः पिनिगु जीवन रक्षाया नितिं सहकारी कःमि पिसं थः थः गु थासं फया फक्व कुत याय्मः धायो दिल ।

खप नगरपालिकां कोभिड मपुंकः मडांकः पाड तय्ता लागिं याड वयो च्वंगु थी थी ज्याइवः त छसिकाथं काड दिसे नगर प्रमुख प्रजापतिजुं खप नगरपालिकां न्ह्याक च्वंगु खप अस्पतालय् थःगु हे अक्सिजन प्लान्ट तय्ता छलफल हज्याक च्वंगु व उकिया लागिं सकलसिनं थः थः गु थासं फः फः म्हा सिनं आर्थिक व भौतिक ग्वाहाली बियता इनाप याड दिल ।

वयकलं ‘सहकारी संस्था धेवा काल बिलखय् जक कुड च्वनय् मज्युः जनताता मार्का बलय् थःपुं दुजः पिन्ता सहकारी संस्थां मः काथं ग्वाहाली याय् मः धायो दिसे दुजः पिन्ता म्वाकः ल्यंक तय्गु कर्तब्य सहकारी संस्थायाय्गु नं खः उकिं थः थः गु थासं थःपुं दुजः पिनिगु लागिं आइसोलेसन केन्द्र दय्केया नितिं इनाप याड दिल ।

वयकलं सक्षम व क्षमतावान सहकारी संस्थां थः पुं दुजः पिनिगु लागिं सार्वजनिक भवन व पार्टी प्यालेसय् आइसोलेसन केन्द्र न्ह्याकः नगरपालिकाता ग्वाहाली याय्ता इनाप याड दिल ।

खप नगरपालिकां स्वास्थ्य लागाय् नगरबासीया लागिं उत्कृष्ट सेवा बियो वयो च्वंगु खाँ ब्याकसे वयकलं संघीय सरकारय् भेन्टिलेटर, आइसीयु व अक्सिजन प्लान्टया लागिं मः काथंया ग्वाहाली फ्वडागु अः तक ग्वाहाली यागु मरुनि धायोदिल ।

ज्या इवःसं खप नगरपालिकापाखं चाय्क च्वंगु आइसोलेसन केन्द्रया सेवा व अवस्थाया खाँ काड दिसे खप



नगरपालिका वडा नं. ९ या वडाध्यक्ष नपां खप अस्पताल कोभिड युनिट व्यवस्थापन समितिया कजि रविन्द्र ज्याख्व जुं कोभिड १९ या नेकगू लहर खानय् दय् धुंकः खप नगरपालिकां २०७७ बैशाख १७ गते खप अस्पताल कोभिड युनिट चाय्कगु थुगु इलय् तकखय् ११६ म्हा ल्वगितय् उपचार सेवा बिय धुंगुलिं ४० म्हा ल्वय लांक वानय् धुंगु व अ ५२ म्हा उपचार याक च्वंगु खाँ काड दिल ।

भक्तपुर जिल्ला बचत व ऋण सहकारी या नायो कृष्ण गोविन्द लाखाजुं खपय् ६४० गू स्वयो अपः सहकारी संस्था दःगु नपां ३ लाख ४० टु दुजः पुं दःगु खाँ ब्याकसे खप नगरपालिकां निः स्वार्थ रुपं न्ह्याकय्तांगु आइसोलेसन केन्द्र व अक्सिजन प्लान्टया लागिं सहकारी संस्था तय्सं थमनं फक्व ग्वाहाली याड दियता नं इनाप याड दिल । वयकलं जिल्ला बचत संघया सामुदायिक विकास कोषया एक लाख तका दां खप नगरपालिकाता ग्वाहाली काथं बियगु क्वः छिडागु खाँ काड दिल । ज्या इवः सं खप नगरपालिका वडा नं. २ या वडाध्यक्ष एवम् खप नगरपालिका सहकारी समितिया कजि हरिप्रसाद बासुकलां याड दय्गु खः ।

अन्तरक्रिया कार्यक्रमय् थी थी सहकारी संस्थाया नायो, प्रतिनिधिपिसं थः थः गु राय सुभाब तयो दिसे कोभिड मपुंक, पाड तय्ता खप नगरपालिकां न्ह्याक च्वंगु आइसोलेसन केन्द्र पाखं नगरबासीपिसं मः काथं स्वास्थ्य उपचार याकय् दयो च्वंगु बांलागु हे खाँ खः धायोदिल । नपां थजगु ग्यापुगु इलय् कोभिड मपुंकः पाडः तय्ता खप नगरपालिकाया कुतः तस्क. च्वछाय बहगु खाँ खः धायोदिसे नगपालिकानपां मंकः कुतलय आइसोलेसन केन्द्र न्ह्याकय्गु व अक्सिजन प्लान्ट निस्वानय्ता सहकारी संस्थात हज्याय्गु प्रतिवद्धता प्वंकल ।



खुइनेगूगु स्वप पौ, बःछि पौ(पाक्षिक)

नगर प्रमुख सुनिल प्रजापति जू थी थी जुम बैठकय्

ख्वप नगरपालिकाया ग्वसालय् २०७८ जेठ १२ गते बुधवार ख्वप नगर दुनय् चाय्कः च्वंगु सामुदायिक विद्यालयया संस्थापक व प्रधानाध्यापकपुं नपां जुम बैठक चवन ।

उगु बैठकं न्वचु तयो दिसे ख्वप नगरपालिकाया प्रमुख सुनिल प्रजापतिजुं कोभिडया ल्वगि तय्गु उपचारया लागिं ख्वप अस्पतालय् दय्केतांगु अक्सिजन प्लान्टया लागिं थी थी सहकारी संस्था, संघ-संस्था व थःब्यक्तिगत काथं दाता पिसं आर्थिक व भौतिक ग्वाहालीत बियो च्वंगु खाँ ब्याकसें शैक्षिक संस्थापिनि पाखं नं फः थें ग्वाहाली याड दियता इनाप याड दिल ।

ख्वप नगरपालिकाता केन्द्र व प्रदेश सरकारं महिता मिखालं स्वयो पूर्वाग्रहं पक्षपाती ब्यवहार याड च्वंगु इलय् जनताया ग्वाहालीं दय्के तांगु अक्सिजन प्लान्ट ब्वसेलागु ज्या जुइगुलि विश्वास प्वंकः दिल । ख्वप अस्पतालता देशया नमूना अस्पतालकाथं हछ्याड यंकेगु उद्देश्य काथं हज्याड च्वंगु खाँ वयकलं ब्याक दिल ।

महामारीया इलय् यागु ग्वाहाली जनताया भिं ज्याखय् खर्च याय्गु खाँ काड दिसे वयकलं महामारीया इलय् जनताया सुरक्षा याय्गु ज्या नगरपालिकाया जक मखुसें, शिक्षक बुद्धिजीवी ब्यापारी नपां सकल नगरबासीपिनिगु नं कर्तव्य खः धायो दिल ।

ख्वप नगरपालिका वडा नं. ७ या वडाध्यक्ष नपां नगरशिक्षा समितिया दुजः उकेश कवा. जुं अक्सिजन मदयो अपलं मनूत अकालं सीड च्वंगु धात्थेगु खाँ काड दिसे ख्वप नगरपालिकां गुलिफता उलि मथां अक्सिजन प्लान्ट दय्केगु कुतः याड च्वंगु खाँ काड दिल ।

जनताया साथ दःगुलिं हे ख्वप नगरपालिकाता ज्या सानय्ता अःपुगु खः धायोदिसे वयकलं ख्वप नगरपालिका जनताया मंकः संस्था खः अलय् थुगु मंकः संस्थाता हछ्याय्ता फुक्कसिया क्वसःगु ग्वाहाली याय्गु भावना व मंकः कुतः मदय्कः मगा धायोदिल ।

ज्या इवःसं संयुक्त परीक्षा समितिया पाखं आदर्श आजाद मा.वि. या प्र.अ.श्री कृष्ण किसी, सार्वजनिक विद्यालय संघया पाखं मेधा मा.वि. या प्र.अ. गंगाधर हाडा, आधारभूत तह विद्यालय संघया पाखं दिपक माकं ख्वपता शैक्षिक गन्तव्यस्थल दय्केगु उद्देश्य ज्वड थः थः गु थासं ग्वाहाली याडः च्वंगु खाँ ब्याकसें नगरपालिकाया च्वछाय् बहगु ज्याखय् ग्वाहाली याय्ता ब्वनय्कुथिया



शिक्षक, कर्मचारीपिसं जिम्मेवारी भःपियो ग्वाहाली याड दियता इनाप याड दिल ।

नपां ब्वति कायो द्यूपुं प्र.अ. पिसं नागरिकपिन्ता भिं याय्गु ज्याखय् ख्वप नगरपालिकाया ज्या च्वछाय् बहगु व पाय्छीगु खः । जनताया निंतिं याड च्वंगु ज्याखय् लाहापास्वाड वयता तयार दः धायोदिल ।

ज्या इवः सं वागीश्वरी मा.वि. या प्र.अ. कृष्ण प्रसाद धन्छां वागीश्वरी मा.वि. व वागीश्वरी कलेजया शिक्षक कर्मचारीपिनिपाखं अक्सिजन प्लान्ट दय्केता हिंखुगुलाख व डय्दतका दां ग्वाहाली याय्गु खाँ घोषणा याड दिलसा मेमेगु ब्वनय्कुथिया प्र.अ.पिसं नं ख्वप अस्पतालया लागिं आर्थिक ग्वाहाली याय्गु बचं बियो दिल ।

ज्या भूवः सं नगरशिक्षा शाखा ख्वपया उपसचिव हरिप्रसाद निरौला जुं शैक्षिक शत्र २०७७ या वार्षिक मूल्याङ्कन कार्यढाँचाया बारे प्रस्तुतीकरण क्यड द्युगु खःसा ज्याइवः नगरशिक्षा शाखाया कृष्ण प्रसाद कर्माचार्य न्ह्याकः द्युगु खः ।

अथेहे उखुनुं हे संस्थागत ब्वनय्कुथिया प्र.अ.पुं नपां जुम बैठक च्वसे नगर प्रमुख प्रजापति जुं जनताया थीथी व ग्वाहाली दःसा सुयाय्गुं हःनय् कपः क्व छुड जुय म्वालिगु नपां न्ह्याथिन्चोगु



खुडनेगूगु खवप पौ, बःछि पौ(पाक्षिक)

महामारीतानं अःपुक बुकय् फैगु खॉ काड दिल । उगु खॉ खवप नगरपालिकां गवसः गवःगु कोभिडं मपुकः मडांक तयगु ज्याय् न.पा.या ज्या इवः खय् संस्थागत ब्वनय्कुथिया प्र.अ.पुं नपांया जुम बैठकय् धायो द्यूगु खः ।

न्हूंगु भेरियन्टया कोभिड खानय् दः सेलिं खवप नगरपालिकापाखं न्ह्याकः तःगु खवप अस्पताल कोभिड युनिटं सच्छी व पी न्हय्म्हासिता सेवा बिय धुंगु व स्वीम्हासिं एचडीयू सेवा काय् धुंगु ल्या पिब्वसे वयकलं नगरपालिकाया आइसोलेसन केन्द्र तस्कं च्वछाय् बह जुगु खॉ ब्याकसे खवप अस्पतालय् दय्किगु अक्सिजन प्लान्टयाता ग्वाहाली याडपुं संघ-संस्थात अपलं वयो च्वंगुलिं कृतज्ञता प्वंकः दिल । कोरोना ल्वचं कः पिन्ता च्वजःगु सेवा बियगु मतिं नगरपालिकाथमनं हे अक्सिजन प्लान्ट दय्केगु खॉ ब्वछिड ज्या हज्याक च्वंगुलिं उगु ज्याखय् संस्थागत विद्यालय नं साथ व (सहकार्य) मंकः कुतः या निंतिं आग्रह याड दिल ।

कोभिड संक्रमित ल्वगितय्गु सेवाखय् खवप नगरपालिकाया जनप्रतिनिधिपुं व कर्मचारीपुं तस्कं सक्रिय जुयो हज्याड च्वंगु खॉ ब्याकसे प्रमुख जुं खवप नगरपालिकां उपभोक्ता समितिपाखं थानाया विकास निर्माणया ज्या इवः त मदिक्क न्ह्याकः च्वंगु खॉ काड दिल ।

प्रमुख प्रजापति जुं धायोदिलः खवप नगरपालिका पाखं न्ह्याकिगु खवप अस्पतालया सेवा सुविधा स्तरीय व सुविधा समपन्न दय्केगु योजना ज्वड हज्याड च्वंगु नपां नगरपालिकां नगरबासीपिनिगु भिं जुयगु काथं व धाय्गु भावना ब्वलांकेगु काथं ज्या साड च्वंगु दः धायो दिल ।

वयकलं खवप देता शैक्षिक गन्तव्य व ज्ञान-विज्ञानया केन्द्र काथं विकासयाय्ता खवप नगरपालिकां शिक्षाता दकलय् च्वय तयो कलेजत न्ह्याकः देशां देछिया ब्वनामिपिन्ता दांक भिंक बांलागु शिक्षा ब्यू ब्यू दक्ष जनशक्ति ब्वलांकय्गुलि बः बियो वयो च्वंगु खॉ ब्याक दिल । नपां वयकलं सिंगो समाजता हे बुद्धिजीवीकरण याय्गु उद्देश्य काथं नगरपालिका हज्याडः च्वंगु खॉ ब्याकसे शिक्षक पिसं ब्वनामिपिन्ता ब्यक्तिगत स्वार्थ मतः से देश व समाजया लागिं समर्पित जुयो हज्याडपुं ब्वनामित ब्वलांकय्ता सल्लाह बियो दिल ।

खवप नगरपालिका वडा नं. ५ या वडाध्यक्ष प्रेम गोपाल कर्माचार्य जुं नगरशिक्षा शाखाया खवपया उपसचिव हरिप्रसाद निरौला जुं शैक्षिक शत्र २०७७ या वार्षिक मूल्याङ्कन कार्य ढाँचाया बारे प्रष्ट याड द्यूगु खः सा ज्या इवः नगर शिक्षा शाखाया कृष्ण प्रसाद कर्माचार्य जुं न्ह्याकः द्यूगु खः ।

बैठकसं संस्थागत विद्यालय (इसान, प्याब्सन, एन प्याब्सन)

या प्रतिनिधि व संस्थागत विद्यालयया प्र.अ. व प्रतिनिधिपिसं नगरपालिकाया च्वछाय् बहगु ज्याखय् सहकार्य व ग्वाहाली याय्ता तयार दःगु खॉ काड दिल ।

अथेहे उखुनुं हे खवप नगरपालिकाया गवसालय् जूगु जुम बैठकसं नगरदुनय्या उद्योगी व्यवसायीपुं नपां जुम बैठक च्वन । उगु बैठकसं खवप नगरपालिकाया प्रमुख सुनिल प्रजापति जुं कोभिड ल्वयया ल्वगितय्ता उपचारयाय्या लागिं खवप अस्पतालय् दय्के तांगु अक्सिजन प्लान्टया लागिं थी थी सहकारी संस्था, संघ संस्था व दाता पाखं ब्यक्तिगत रुपं आर्थिक व भौतिक ग्वाहालीत बियो वयो च्वंगु खॉ ब्याकसे थुगु ज्याखय् उद्योगी व्यवसायी पिसं नं ग्वाहाली याड दियता इनाप याड दिल ।

खवप नगरपालिकाता सरकारं मः काथं ग्वाहाली मयागु गुनासो प्वंकसे नगर प्रमुख प्रजापति जुं जनताया ग्वाहालीखय् खवप अस्पतालय् जडानयायतांगु अक्सिजन प्लान्ट स्थानीय तहं कोभिड मपुकः मडांकः पाड तय्गुलि छगू ब्वस्यलागु ज्या जूगुलिं विश्वास प्वंकः दिल । वयकलं खवप अस्पतालता देशयाय् हे दकलय् बांलागु नमुना अस्पतालकाथं न्ह्याकय्गु उद्देश्य ज्वडः हज्याडः च्वंगु खॉ काड दिसे महामारीया इलय् यागु ग्वाहाली जनताया सुरक्षा याय्गु नगरपालिका व सकल उद्योग व्यवसायी पिनिगु नं कर्तव्य खः धायोदिल ।

खवप नगरपालिकां २५ गू एचडीयू नपांया ७५ गू बेडया आइसोलेसन दय्क खवप अस्पताल (कोभिड युनिट) न्ह्याकः संक्रमितपिनिगु उपचार याड च्वंगु खॉ ब्याकसे खवप नगरपालिका जनताया मंकः संस्था जूगुलिं थुकिता हछ्याय्ता सकसिया ग्वाहालीया भावना व मंकः कुतः मदय्कं मगा प्रमुखज्युं धायो दिल ।

खवप नगरपालिका वडा नं. ९ या वडाध्यक्ष रविन्द्र ज्याख्व जुं खवप नगरपालिकां याड च्वंगु कुतःया चर्चायाड द्यूगु खःसा खवप नगरपालिका वडा नं. ७ या वडाध्यक्ष नपां नगर शिक्षा समितिया दुजः उकेश कवां जुं अक्सिजन मदयो अपलं मनूतय्गु अकालं ज्यान वाड च्वंगुलिं खवप नगरपालिकां फछिं फक्व मथां अक्सिजन प्लान्ट दय्केगुलि ज्या साड च्वंगु खॉ काड दिल ।

ज्या इवः सं उद्योग व्यवसायीपिनिपाखं विश्वराम कवां, जितेन्द्र खायमली, नातिभाइ ह्योम्बा, राजेन्द्र प्रजापति, आशराम बैद्य व कृष्ण भक्त दुवालं खवप नगरपालिकां कोरोनाया कहर नयो च्वंगु इलय् नगरबासी पिनिगु भिं याय्गु ज्याखय् पला तयो च्वंगु तस्कं च्वछाय् बहजु धायो दिसे अजगु जनताया निंतिं याड च्वंगु ज्याखय् लाहापा स्वाडः मंकः कुत याय्ता तयार दःगु खॉ ब्याक दिल ।

ख्वप नगरपालिकाता ग्वाहाली

हलिमय ब्याकः महामारी काथं डाडःपुड वाड च्वंगु कोभिड १९ या नेकगू लहर अः ख्वप जिल्लाय् नं जनस्तरय थ्यंकः डाडःपुड : वानय धुंकगुलिं ख्वप नगरपालिकां नीडागू शय्याया एचडीयू व न्ह्यडागु शय्याया बेड तयो ख्वप अस्पताल (कोभिड युनिट) सञ्चालन याडः कोभिडया ल्वगि तय्ता उपचार सेवा बियो वयो च्वंगुलि अः देशय् हे अक्सिजन मदयो संक्रमित पिसं अकालं प्राण त्याग याड च्वंगु दः । थ्व हे खाँयाता बिचःयाडः ख्वप नगरपालिका कोभिडं मपुंक पाडः तय्ता नपां संक्रमित पिनिगु उपचारया भूवल्य अक्सिजन अभाव मजुइकय्ता ख्वप अस्पतालय् अक्सिजन प्लान्ट तय्गु ज्याभूवः या नितिं ख्वप नगर दुनय् क्रियाशील सहकारी संस्थातयगु पाखंनं ग्वाहाली बिया दक आह्वान याडा गुलि उगु ज्याख्य ग्वाहाली याय्ता थुगु नगरपालिकाय् निस्वाडः तःगु प्रकोप व्यवस्थापन कोषय थौ न्हि ल्या २०७८।२।९ गते ग्वाहाली यापुं थी थी व्यक्ति व सहकारी संस्था तय्ता सुभाय् देछाल ।

ग्वाहाली यागु संस्थात

उगु कोषय धेबा ग्वाहाली यायगु मति दःपुं महानुभाव पुं व संघ संस्था तय्ता भक्तपुर नगरपालिका, प्रकोप व्यवस्थापन कोषया नेपाल बैंक लिमिटेड कमल विनायक शाखाया खाता नं. ०१९०३०००००७००२०००००३ खय् तयो दिय फैं अलय ख्वप नगरपालिकाय् भायो नं ग्वाहाली याड दियता इनापयाड च्वडा ।

आइतबार नगरपालिकाया सभाकक्षसं ग्वसः ग्वगु औपचारिक ज्या इवःसं ग्वाहाली यापुं सहकारी संस्थाया प्रतिनिधिपिसं ख्वप नगरपालिकाया उपप्रमुख रजनी जोशीजुयाता उगु ग्वाहाली रकमया चेक लः ल्हाड द्यगु खः ।

ख्वप नगरपालिकां ख्वप वडा नं. ९ ब्रम्हायणीसं नीडागू शैय्याया (उच्च निर्भरता एकाइ) एच डी यू व न्ह्यडागू साधारण शैय्या दय्के धुंकः अक्सिजनया अभाव मदय्केता ख्वप अस्पतालय् नं अक्सिजन प्लान्ट तय्गु योजना ज्वड तुरुन्त सहकारी संस्थाया भर्चुअल बैठक तयो ग्वाहाली फ्वंगु खः । वहे काथं छन्ह्या स्वीगु लाख हिद्वतका दाँ व सच्छी व खुर्का ग्वाहाली वगु खः ।

अक्सिजन प्लान्ट दय्केता ग्वाहाली याड दिइपुं अपलं दातापुं व संघ संस्थातयगु धलः अपलं ताहाकः दनि । वयक पिनिगु नां छसिकाथं पिथाड यंकेगु खाँ ब्याकच्वडा ।

क्वय्च्वंगु धलः २०७८ जेठ १३ गते तकया जक खः । ल्यं दःगु दाता व संस्थाया नां मेगु ल्याखय् पिथानय् । सकल ग्वाहालीमि पिन्ता सुभाय् देछासे सकलसिनं ग्वाहाली याडगु भलोसा काया ।

ल्या	दाता (व्यक्ति) व संस्थाया नां	ठेगाना	ग्वाहाली तका दां	न्हि ल्याः
१.	बोरिस हेस संस्था नेपाल	भनपा -५	रु १०,४५,५००-	२०७८।२।५
२.	श्री सिद्धिगणेश बचत तथा ऋण सहकारी संस्था लि.	भनपा-७	रु १०,००,०००-	२०७८।२।९
३.	श्री भक्तपुर बचत तथा ऋण सहकारी संस्था लि.	भनपा-९	रु १०,००,०००-	२०७८।२।९
४.	श्री संगम बचत तथा ऋण सहकारी संस्था लि.	भनपा-५	रु. ५,००,०००-	२०७८।२।९
५.	श्री बाराही बचत तथा ऋण सहकारी संस्था लि.	भनपा-४	रु. ४,००,०००-	२०७८।२।९
६.	श्री जिल्ला बचत तथा ऋण सहकारी संघ	भक्तपुर	रु. १,००,०००-	२०७८।२।९
७.	श्री घनश्याम देउजा	सुनपा-१०	रु १०,१०६-	२०७८।२।९
८.	श्री चन्द्रबहादुर उलक	भनपा-१०	रु. १,००,०००-	२०७८।२।१०
९.	श्री पुरुषोत्तम प्रजापति	भनपा-९	रु. ५०,०५१-	२०७८।२।१०
१०.	श्री ज्ञानप्रसाद न्यौपाने	चाँनपा-३, भौखेल	रु. २५,५५१-	२०७८।२।१०
११.	श्री न्हुराम भेले	भनपा-४	रु. ५,१०५१-	२०७८।२।१०
१२.	श्री भक्तपुर श्रमिक बचत तथा ऋण सहकारी संस्था	भनपा २	रु. २,००,०००-	२०७८।२।११
१३.	श्री डायमण्ड बचत तथा ऋण सहकारी संस्था लि.	भनपा	रु. ५०,०००-	२०७८।२।११
१४.	श्री हरिगोपाल साँयजू	भनपा ७	रु. १०,०००-	२०७८।२।११
१५.	श्री केदारनाथ बचत तथा ऋण सहकारी संस्था लि.	भनपा ७	रु. १,११,०००-	२०७८।२।११
१६.	श्री श्वेत भैरव बचत तथा ऋण सहकारी संस्था लि.	भनपा ८	रु. १,७२,६५०-	२०७८।२।११
१७.	श्री एस.बी.एस. इन्भेष्टमेन्ट कम्पनी प्रा.लि.	भनपा	रु. १,११,१११-	२०७८।२।११
१८.	श्री समय बचत तथा ऋण सहकारी संस्था लि.	भनपा ८	रु. १,१५,०००-	२०७८।२।११
१९.	श्री बागीश्वरी कलेज	भनपा	रु.४,००,०००-	२०७८।२।११
२०.	श्री बागीश्वरी माध्यमिक विद्यालय	भनपा	रु. ६,००,०००-	२०७८।२।११
२१.	श्री पाटन रोटररी क्लब र नेपाल हृदय रोग निवारण प्रतिष्ठान	पाटन	पीपीई ११०, एन ९५ (बीवाईडी) २०, सर्जिकल मास्क ३० बाक्स, ग्लोभ्स १० बाक्स, पल्स अक्सिमिटर २, थर्मल गन २, डाइ फ्रूट्स प्याकेट, ५०, एन ९५ (लोकल) ५०	२०७८।२।११
२२.	श्री प्रेमगोपाल कर्माचार्य	भनपा ५	रु. १,००,०००-	२०७८।२।११
२३.	श्री आरम्भ नेपाल	भनपा	रु. २५,०००-	२०७८।२।११

सुइनेगूगु स्वप पौ बःछि पौ(पाक्षिक)

ल्या	दाता (व्यक्ति) व संस्थाया नां	ठेगाना	ग्वाहाली तका बां	न्हि ल्या:
२४.	श्री निओ फ्युजन स्कूल अफ कम्प्युटर	भनपा ७	रु. ५,५५५-	२०७८/२११
२५.	श्री न्हः इन्टरप्राइजेज	भनपा ४	रु. १,१११-	२०७८/२११
२६.	श्री कमलविनायक बचत तथा ऋण सहकारी संस्था	भनपा १०	रु. १,००,०००-	२०७८/२११
२७.	नेपाल रेडक्रस सोसाईटी भक्तपुर	भक्तपुर	५० सेट हेल्थ किट	२०७८/२११
२८.	श्री दिक्षा (गौरी) हाडा स्मृति प्रतिष्ठापन नेपाल	भनपा २	रु. १,००,०००-	२०७८/२११
२९.	स्व. कृष्ण गोसाई/लक्ष्मी थकु गोसाई	भनपा ७	रु. १२,०३३-	२०७८/२१३
३०.	श्री कविन्द्र शाक्य/सुनिला माक	भनपा	रु. ३०,०००-	२०७८/२१३
३१.	श्री सविच्छा बचत तथा ऋण सहकारी संस्था	भनपा	रु. ११,११,१११-	२०७८/२१३
३२.	श्री कृष्णप्रसाद ताम्राकार	भनपा २	रु. १,००,०००-	२०७८/२१३
३३.	श्री दियालो बचत तथा ऋण सहकारी संस्था	भनपा १	रु. १,००,०००-	२०७८/२१३
३४.	श्री कमलश्वरी सुवाल	भनपा २	रु. ५,०००-	२०७८/२१३
३५.	श्री सचित बचत तथा ऋण सहकारी संस्था	भनपा २	रु. १,००,०००-	२०७८/२१३
३६.	श्री भीगु ख्वप बचत तथा ऋण सहकारी संस्था	भनपा ७	रु. १,००,०००-	२०७८/२१३
३७.	श्री लोकेश्वर बचत तथा ऋण सहकारी संस्था	भनपा २	रु. १,११,१११-	२०७८/२१३
३८.	श्री महेश्वरी बचत तथा ऋण सहकारी संस्था	भनपा ७	रु. १,१९,६५५-	२०७८/२१३
३९.	श्री हरिबहादुर कवां	भनपा ७	रु. ५०,५०५-	२०७८/२१३
४०.	श्री सिद्धि गणेश मोटर मार्टस	भनपा	रु. १०,१००-	२०७८/२१३
४१.	श्री सुबिन कवां (हाल अमेरिका)	भनपा ७	रु. २०,०००-	२०७८/२१३
४२.	श्री नाति कवां	भनपा ७	रु. २०,०००-	२०७८/२१३
४३.	श्री विश्वराम कवां	भनपा ७	रु. १,००,०००-	२०७८/२१३
४४.	श्री जय भिमसेन बचत तथा ऋण सहकारी संस्था	भनपा ७	रु. ५०,०००-	२०७८/२१३
४५.	श्री मीनबहादुर ग्वाछा	भनपा ७	रु. ५,०००-	२०७८/२१३
४६.	श्री विकास बचत तथा ऋण सहकारी संस्था	भनपा ७	रु. २५,०००-	२०७८/२१३
४७.	श्री २ नं. वडा कृषक समूह	भनपा २	रु. १०,०००-	२०७८/२१३
४८.	प्रा.डा. श्री सिद्धिवीर कर्माचार्य	भनपा १०	रु. १,०४,४४४-	२०७८/२१३
४९.	श्री आशकुमार कोजु	भनपा २	रु. १,००,०००-	२०७८/२१३
५०.	श्री सत्यनारायण सुवाल	भनपा २	रु. २५,५५५-	२०७८/२१३
५१.	श्री बाल विकास स्कूल (शिक्षक र कर्मचारी)	भनपा ९	रु. १,०१,१११-	२०७८/२१३
५२.	श्री आवश्यक कृषि सहकारी संस्था लि.	भनपा १	रु. ५,०००-	२०७८/२१३
५३.	श्री तुल्सीकृष्ण बाटी	भनपा २	रु. ५०,०००-	२०७८/२१३

ल्या	दाता (व्यक्ति) व संस्थाया नां	ठेगाना	ग्वाहाली तका बां	न्हि ल्या:
५४.	श्री मेथिबारी युवा समूह	भनपा २	रु. ९,५००-	२०७८/२१३
५५.	श्री सुकुन्दा बचत तथा ऋण सहकारी संस्था	भनपा ७	रु. २,००,०००-	२०७८/२१३
५६.	श्री बाबुराजा ह्यौम्बा	भनपा ९	रु. ११,१११-	२०७८/२१३
५७.	श्री लोकेश्वर इन्टरप्राइजेज	भनपा	रु. ५,३३३-	२०७८/२१३
५८.	चोर्छे छुमा गणेश बचत तथा ऋण सहकारी संस्था	भनपा ६	रु. १,११,१११-	२०७८/२१३
५९.	श्री रामबहादुर कसपाल	भनपा ५	रु. १०,०००-	२०७८/२१३
६०.	श्री श्री श्री इन्द्रायणी माता निजी गुठी	भनपा २	रु. ५०,०००-	२०७८/२१३
६१.	श्री इको प्यानल नेपाल प्रा.लि.	भनपा	रु. १,००,०००-	२०७८/२१३
६२.	श्री जयसुन्दर हाडा	भनपा २	रु. ५०,०००-	२०७८/२१३
६३.	श्री ख्वप इन्जिनियरिङ कलेज र ख्वप कलेज अफ इन्जिनियरिङ	भनपा ८	रु. २५,००,०००-	२०७८/२१३
६४.	श्री गणेश समूह	भनपा ७	रु. ५०,०००-	२०७८/२१३
६५.	श्री निवृत्त शिक्षक समाज	भनपा	रु. १,००,०००-	२०७८/२१३
६६.	श्री सिद्धिगणेश खेलकुद समिति	भनपा	रु. २०,००१-	२०७८/२१३
६७.	श्री तुल्सीमाया सुवाल	भनपा ६	रु. १,००,०००-	२०७८/२१३
६८.	श्री रामप्रसाद प्रजापति,	भनपा ३	रु. १,०५,०००-	२०७८/२१३
६९.	श्री नवदुर्गा नास बचत समूह	भनपा ८	रु. ३०,३३३-	२०७८/२१३
७०.	श्री श्रद्धा बचत तथा ऋण सहकारी संस्था	भनपा ७	रु. ५०,५५५-	२०७८/२१३
७१.	श्री आधुनिक कृषि सहकारी संस्थालि.	भनपा ४	रु. २५,०६०-	२०७८/२१३
७२.	श्री यक्षेश्वर बचत तथा ऋण सहकारी संस्था	भनपा ५	रु. १,००,०००-	२०७८/२१३
७३.	श्री हरिकृष्ण महर्जन	चन्द्रागिरी	रु. ५०,००३-	२०७८/२१३
७४.	श्री ज्ञानमान डंगोल	टोखा	रु. १०,०११-	२०७८/२१३
७५.	श्री अष्ट महर्जन	चन्द्रागिरी	रु. २५,००१-	२०७८/२१३
७६.	श्री अस्मिता महर्जन	चन्द्रागिरी	रु. २५,००१-	२०७८/२१३
७७.	श्री बासुदेवप्रसाद जोशी स्मृति प्रतिष्ठान, पुत्री सर्जनी जोशीमार्फत	भक्तपुर	रु. ५०,०००-	२०७८/२१३
७८.	श्री हाडा (बिजुक्छे) दिगु-छो जीर्णोद्धार समिति	भक्तपुर	रु. १,००,०००-	२०७८/२१३
७९.	आकृति त्वानावासु	भक्तपुर ८	रु. ५,५५५-	२०७८/२१३
८०.	भक्तपुर लायन्स समन्वय समिति	भक्तपुर	रु. ३,००,०००-	२०७८/२१३
८१.	पृथ्वीकुमार प्रजापति	भनपा ४	रु. ५०,५०५-	२०७८/२१३
८२.	कमलाभक्त फाउण्डेशन	भनपा २	रु. २,२२,२२२-	२०७८/२१३
८३.	कस्मिक बचत तथा ऋण सहकारी संस्था	भनपा २	रु. २,००,०००-	२०७८/२१३

स्वप नगरपालिकाया अनुरोध काथं अक्सिजन प्लान्ट तयत्ता न्हापांगु दिनसं
ग्वाहाली यागु संस्था बाराही बचत तथा ऋण सहकारी संस्था (२०७८ जेठ ९ गते)



कोभिड मेरोसेलया नेकगू खोप वडाय् वडाय् बिल



स्वप नगरपालिकाया अनुरोध काथं अक्सिजन प्लान्ट तयत्ता न्हापांगु दिनसं
ग्वाहाली यागु संस्थाया प्रतिनिधिपुं नपां (२०७८ जेठ ९ गते)



स्वप नगरपालिकाया अनुरोध काथं अक्सिजन प्लान्ट तयत्ता न्हापांगु दिनसं ग्वाहाली यागु
संस्था संगम वचत तथा त्रण सहकारी संस्था (२०७८ जेठ ९ गते)

